



შირაკი

SHIRAKI

გამოცემის 1937 წლიდან

დედოფლისწყაროს მუნიციპალიტეტის გაზეთი

№9 (10.114)

30 მარტი - 6 აპრილი, 2024 წელი

ფასი: 60 თეთრი

ყოველკვირეული გამოცემა

32 წლის უმცროსი გმირი მონაწილე

28 მარტს თბილისში, დიღმის ძმათა სასაფლაოზე სამხედრო პატივით დაკრძალეს 24 წლის გორა პაპიაშვილის ნეშტი. ის აფხაზეთში 1992 წელს უგზო-უკვლოდ დაიკარგა, მისი პოვნა და შემდეგ იდენტიფიცირება კი სულ ახლახან, გაგრის რაიონის სოფელ მახადორში მოხერხდა. სამოქალაქო პანაშვიდი სამების საკათედრო ტაძარში გაიმართა.


სახელმწიფო მინისტრის აპარატისა და ნათელი ჯვრის საერთაშორისო კომიტეტის ერთობლივი თანამშრომლობით, ქართველებისა და აფხაზების მონაწილეობით, საკოორდინაციო მექანიზმის ფარგლებში, ამჯერად 10 სამხედრო და 2 მშვიდობიანი მოქალაქის გადმოსვენება და ოჯახებისთვის დახმარება მოხერხდა. 5 მებრძოლი, მათ შორის გორა პაპიაშვილი დიღმის ძმათა სასაფლაოზე, სხვა იდენტიფიცირებულიები კი, ოჯახების გადანაცვლებით, სხვადასხვა ადგილას, მათ შორის სავარაუდოდ სასაფლაოებზე სამხედრო პატივით დაკრძალეს.

სამების საკათედრო ტაძარში პანაშვიდზე იმყოფებოდნენ პრემიერ-მინისტრი ირაკლი კობახიძე, პრეზიდენტი სალომე ზურაბიშვილი, პარლამენტის თავმჯდომარე შალვა პაპუაშვილი, თავდაცვის მინისტრი და შერიგებისა და

24 წლის გორა პაპიაშვილის აფხაზეთის ომში წასვლა არ ეკუთვნოდა, რადგან დედისა და უმცროსი დისთვის ერთადერთ მარჩენალად ითვლებოდა, ამიტომაც არ გაუნვევიათ. თუმცა, რადგან კონფლიქტი არ ცხრებოდა, ომში საკუთარი ნებით, მოხალისედ წავიდა.

თალიკო პაპიაშვილი (დედა):

„დიდი მადლობა მინდა ვუთხრა ყველას, რომ ამდენი წლის შემდეგ შვილი დამიბრუნეს. აფხაზეთიდან დეპუტებს მიგზავნიდა, კოლხიდაში, გაგრამი ვდგავარო. გორა 1968 წლის 10 ივნისს დაიბადა. ცელქი ბავშვი იყო. სკოლაც ძალიან უყვარდა, მაღალი აკადემიური მოსწრება ჰქონდა. მისი კლასის დამრიგებელი ნეჟნა ჩუბინიძე ძალიან უყვარდა. უზომოდ კეთილი იყო, სახლიდან გაიტანდა და სხვას მისცემდა. მისი ტანსაცმელიც მუდმივად მეგობრებს ეცვა. უამოდ იზრდებოდა, მუდმივად ცდილობდა ოჯახის ბურჯი ყოფილიყო და გვერდში ამოგვედგომოდა. ომი რომ არ დაწყებულიყო, დაოჯახებას აპირებდა. გორა 8 წლის იყო, ანა 7-ის, როცა მეუღლე ექიმების დაუდევრობის გამო გარდაიცვალა და ბავშვებს ობლად ვზრდიდი. ამიტომ, გორა როგორც ოჯახის მარჩენალი, ომში არ გაიწვიეს. თვეები რომ გადიოდა და ვითარება უფრო იძა-



ოქტომბერს, გაგრა რომ დაეცა, მას შემდეგ წერილებიც შეწყდა და გორას კვლიც დაიკარგა, აღარაფერი ისმოდა. დიდი ძალისხმევა დაგვჭირდა, რომ სადმე მიგვეგნო, მაგრამ ამ დრომდე არაფერი ვიცოდით.

ერთხელ, წლების შემდეგ, სოფლის წისკვილში ხორბალი მივიტანე. დედოფლისწყაროელი ბიჭი გამომელაპარაკა, გორას ოცმეთაური მე ვიყავი, ერთად ვიბრძოდითო. ბოლო დღე გაიხსენა, ირგვლივ ყველაფერი ცეცხლის ალში გაეხვია, ცოცხალი აღარავინ იყო. დაჭრილი ვეგდე და უცებ გორა დამეცა, მე გადაგარჩენო. სამი დღე და ღამე მატარა, ტყეში ჩიჩნები და აფხაზები შეგვხვდნენ და „ვაი დედაო“ თქვა. გონება დავკარგე და აღარაფერი მახსოვს, აზრზე რომ მოვედი, ტყვედ ვიყავიო. ვეძებდი, კვალი ლესელიძემდე მივიდა

და მერე ველარაფერი გავიგეო. **ანა პაპიაშვილი (გორას და):** „ჩვენმა ბრძოლამ შედეგი გამოიღო, ყველას მადლობას ვუხდის ჩემი ძმის დაფასებისთვის. განსაკუთრებით თქვენი გაზეთის რედაქციას, რომელიც ექსკლუზიურად ამუშებდა ჩვენს ამბავს და ყოველთვის ყურადღებას გამოხატავდა. დაკრძალვაზე მთელი სოფელი ჩამოსული იყო და გაკვირვებული დავრჩი. ველოდი, რომ სოფლიდან ჩამოვიდოდნენ, მაგრამ ამხელა მხარდაჭერა მოულოდნელი იყო. ჩემი ემოციები უჩვეულოა, თან ვწუხვარ, თან ბედნიერი ვარ. ვწუხვარ იმის გამო, რომ ერთი იმედის ნაპერწკალი გვექონდა და ისიც ჩავგიქრა, ხოლო ბედნიერი ვარ, რომ ჩემი ძმა გმირულად დაიმარხა და მისი სახელი სამარადისოდ ცოცხალი იქნება.“

/დასასრული მე-8 გვ./

სამოქალაქო თანასწორობის საკითხებში სახელმწიფო მინისტრი თეა ახვლედიანი, მთავრობის სხვა წევრები.

გმირისთვის პატივის მისაგებად თბილისში იმყოფებოდნენ დედოფლისწყაროდანაც. დედოფლისწყაროს მერი ნიკოლოზ ჯანიაშვილი, სოფელ ზემო მარხაანის მთავრობის დეპუტატი საკრებულოში ვანო ნატროშვილი, მერის რწმუნებული ზემო მარხაანში გიორგი იაკობიშვილი, სოფლის მოძღვარი, დეკანოზი გიორგი ჯინაშვილი და სოფლის სხვა მაცხოვრებლები.

ობლად გაზრდილ ზემო მარხაანელ

ბებოდა, ვერ ისვენებდა, გადანაცვლა მოხალისედ წასულიყო. რაიონში წავიდა, კომისარს შეხვდა, მოხალისეთა რიგებში ჩაწერა. ვენინალმდეგებოდით, მაგრამ სულით ხორცამდე სამშობლოს პატრიოტი იყო, აჩრემა, უნდა წავიდეთ. ტელევიზიით ომის კადრებს რომ უყურებდა, ამბობდა, მე თუ არ წავალ, და ყველა ასე იფიქრებს, მტერს ვილა მიხედავსო. არ დამემშვიდობა, ისე გაიპარა ომში. აფხაზეთში რომ წავიდა, 101-ე ბატალიონში განწვიანდა. ომიდან წერილებს გვიგზავნიდა, ცოცხალი ვარ, არ იხერხიულეთო. 1992 წლის 2



ჯანდაცვის საკითხებზე იმსჯელეს

რეგიონული ჯანდაცვის ცენტრის დირექტორი მამუკა მაჭავარიანი ცენტრის სპეციალისტებთან ერთად დედოფლისწყაროს მუნიციპალიტეტის მერიას ეწვია და მერთან, ნიკოლოზ ჯანიაშვილთან სამუშაო შეხვედრა გამართა.

შეხვედრის ფარგლებში საუბარი შეეხო დედოფლისწყაროს მრავალპროფილური საავადმყოფოს განვითარების და არსებული სამედიცინო რეგულაციებთან შესაბამისობაში მოყვანის საკითხებს.



დასაქმების პროგრამის ფარგლებში, საზოგადოებრივ სამუშაოებზე 30 ათასამდე სოციალურად დაუცველი დასაქმებული

ამ დროისთვის, დასაქმების პროგრამის ფარგლებში, საზოგადოებრივ სამუშაოებზე 30 ათასამდე სოციალურად დაუცველი დასაქმებული. როგორც „ინტერპრესნიუსს“ დასაქმების სააგენტოში განუცხადეს, პროგრამის დაწყებიდან დღემდე სამუშაო პროგრამას სხვადასხვა მიზეზით 7 079 პირი გამოეთიშა.

„2024 წლის 21 მარტის მდგომარეობით, საზოგადოებრივ სამუშაოებზე დასაქმების პროგრამის ფარგლებში დასაქმებულია 30 000-მდე სოციალურად დაუცველი პირი. პროგრამაში ჩართვის ინტერესი საკმაოდ მაღალია. დასაქმების სააგენტო, დასაქმების მსურველ სოციალურად დაუცველ პირებს როგორც საზოგადოებრივ სამუშაოებზე დასაქმებას, ისე ღია შრომის ბაზარზე არსებულ ვაკანსიებზე სთავაზობს. გარდა ამისა სხვა ვაკანსიებზე - ღია შრომის ბაზარზე დასაქმებულია სოციალურად დაუცველი 20 000-ზე მეტი მოქალაქე. პროგრამის დაწყებიდან დღემდე სამუშაო პროგრამას სხვადასხვა მიზეზით გამოეთიშა 7 079 პირი.“

საზოგადოებრივი სამუშაო ისეთ ვაკანტიურ ადგილებზე დასაქმებას გულისხმობს, რომლის შესრულება ნებისმიერი კვალიფიკაციის მქონე პირს შეუძლია და განსაზღვრულია მინისტრის ბრძანებით. აცხადებენ დასაქმების სააგენტოში. ცნობისთვის, სოციალურად დაუცველი მოქალაქეებისთვის საზოგადოებრივ სამუშაოებზე დასაქმების პროგრამა 2022 წლის 1-ელ მარტს დაიწყო.

ბაბუშერას აეროპორტის მიმდებარე ტერიტორიებიდან ოჯახებს გაასახლებენ

ოკუპირებულ აფხაზეთში, სოხუმთან მდებარე ბაბუშერას აეროპორტის მიმდებარე ტერიტორიებზე მცხოვრებ ოჯახებს გაასახლებენ. ამის შესახებ „აფხაზური პორტალი“ წერს.

სეპარატისტული რეგიონის ე.წ. ენერგეტიკის მინისტრმა 26 მარტს ადგილობრივებთან, რომლებიც წლებია ამ ტერიტორიებზე ცხოვრობენ, შეხვედრა გამართა.

აღნიშნულ ზონაში მცხოვრებთა ნაწილი საოკუპაციო რეჟიმის გადაწყვეტილებას, მათ გადასახლებასთან დაკავშირებით, ეწინააღმდეგება.

„შეიძლება ვინმე დათანხმდეს გადასახლებას, მაგრამ ამას ყველა არ ვეთანხმებით, კომპენსაციის გადახდის შემთხვევაშიც კი“, — აღნიშნეს შეხვედრის მონაწილეებმა.

ე.წ. რუსულ-აფხაზური შეთანხმების თანახმად, ბაბუშერას აეროპორტის ალდგენისთვის სეპარატისტებმა უნდა „ამოიღონ უძრავი ქონება, მინის ნაკვეთები მესამე პირებისგან, რათა რუსულმა კომპანიამ საინვესტიციო პროექტის განხორციელება შეძლოს“.

მანამდე რუსეთის ეკონომიკის მინისტრის მოადგილემ დმიტრი ვოლგაჩმა განაცხადა, რომ პროექტის საინვესტიციო ღირებულება 12 მლრდ რუბლს (350 მლნ ლარი) შეადგენს. მისივე თქმით, რუსეთიდან სოხუმის მიმართულ ბით პირველი საცდელი რეისის შესრულება 2024 წელს იგეგმება.

2023 წელს გავრცელდა ინფორმაცია, რომ პროექტს რუსეთის შს ყოფილი მინისტრის რამიდ ნურგალიევის შვილის კომპანია განახორციელებს. ნურგალიევი ამჟამად რუსეთის ფედერაციის უშიშროების საბჭოს მდივნის პირველი მოადგილეა.



„კლიმატის ცვლილება არ არის საზოგადოების ცალკეული ნაწილის გამოწვევა, ეს საყოველთაო პრობლემაა და მასთან გამკლავება ერთიან ძალისხმევას საჭიროებს“

28 მარტს, USAID-ის სამხრეთ კავკასიის რეგიონული წყლის მართვის პროგრამამ ევროკავშირის მიერ დაფინანსებულ პროექტს „მერების შეთანხმების“ აღმოსავლეთის ოფისთან პარტნიორობით, სასტუმრო „რედისონ ბლუ ივერიაში“ „მერების შეთანხმების“ ხელმოწერის თვითმმართველობების წარმომადგენლებს უმასპინძლა.

ორგანიზატორების ინფორმაციით, ღონისძიებაზე, რომელსაც საქართველოს 32 მუნიციპალიტეტის ადგილობრივი ხელისუფლების წარმომადგენელი დაესწრო, მუნიციპალური წყლის რესურსების მართვას, წყლის უსაფრთხოებასა და წყალთან დაკავშირებულ კლიმატის ცვლილებასთან ადაპტაციის საკითხები განიხილეს.

ღონისძიების მიზანია, ხელი შეეწყოს დიალოგს, წყლის რესურსების მართვის შესახებ, საქართველოს ახლად მიღებული კანონის გავლენებს ურბანული წყლის რესურსების მდგრად მართვაში. მონაწილეებმა გაიღრმავონ და გააზიარონ არსებული ცოდნა წყლის უსაფრთხოებასა და წყლის რესურსების მდგრადი მართვის მნიშვნელობაზე კლიმატისადმი მედეგი ადგილობრივი განვითარების კონტექსტში და იმსჯელონ კლიმატის ცვლილების პირობებში წყლის რესურსების მდგრად მართვაში ადმინისტრაციული ერთეულების კონკრეტულ საჭიროებებსა და გამოწვევებზე.

დედოფლისწყაროს მუნიციპალიტეტის მერის, ნიკოლოზ ჯანიაშვილის განცხადებით, მომხსენებლებმა მონაწილეებთან ისაუბრეს წყლის რესურსებისა და გარემოს მართვაზე მუნიციპალიტეტებში, მდინარის სააუზო მართვის მიდგომებზე, მუნიციპალიტეტებში ბუნებრივი კატასტროფების რისკის შემცირებასა და წყლის უსაფრთხოების გაუმჯობესებაზე ბუნებრივ გადარეგულირებაზე დაფუძნებული მეთოდების გამოყენებით.

საქართველოში შემუშავდა ახალი კანონპროექტი „წყლის რესურსების მართვის შესახებ“, რომელიც უმნიშვნელო

ვანეს და კომპლექსურ საკანონმდებლო ცვლილებებს მოიცავს. კანონპროექტის განხორციელების შედეგად, ქვეყანაში წყლის რესურსების მართვის ახალი, ერთიანი, საერთაშორისო მიდგომებზე



დაფუძნებული სისტემა შეიქმნება, რითაც დაკმაყოფილდება ევროკავშირთან გაფორმებული ასოციაციის შეთანხმებით ნაკისრი ვალდებულებები, ჩამოყალიბდება სააუზო მართვის სისტემა და მოხდება წყლის მოხმარების ეკონომიკური ინსტრუმენტების შემოღება, რაც წყლის რესურსების მონიტორინგის ქსელის გაფართოებას და წყლის დაბინძურების პრევენციის ზომების წარდგენასაც მოიზრებს.

წყლის რესურსების მართვის ახალი კანონპროექტი ჩაანაცვლებს ძველ „კანონს წყლის შესახებ“. ეს უკანასკნელი 1997 წელს ამოქმედდა, თუმცა ცხადი და თანმიმდევრული სტრატეგიით არ განხორციელებულა და, შედეგად, ქვეყანაში მოქმედებდა „გამოუსადგვარი და დანაწევრებული სისტემა“ (UNECE). მაგალითად, ძველი საკანონმდებლო ჩარჩო ვერ არეგულირებდა წყლის ობიექტებთან დაკავშირებულ საკუთრების, მფლობელობისა და გამოყენების უფლებებს, ვერ უზრუნველყოფდა როგორც ზედაპირუ-

ლი და მინისკემა წყლის რესურსების რაციონალურად გამოყენებას, ისე წყლის დაბინძურების პრევენციას. გარდა ამისა, ძველი კანონის ფარგლებში წყლის რესურსების მართვისას, ქვეყანაში იკარგება დიდი მოცულობით წყალი, რაც, შესაბამისად უარყოფით გავლენას ახდენს ბუნებრივ რესურსებზე.

ზემოთ ჩამოთვლილი გამოწვევების ფონზე, წყლის რესურსების მართვის ახალი კანონპროექტის მიმართ



დიდი მოლოდინი გაჩნდა, თუმცა არსებული რეფორმა არ არის სრულყოფილად ამოქმედებული, ამიტომ აღნიშნული მოლოდინის შეფასება ჯერჯერობით შეუძლებელია, მიუხედავად ამისა, კანონპროექტთან დაკავშირებული რამდენიმე კრიტიკული ინდიკატორის გაანალიზების საფუძველზე წინამდებარე ბლოგი შეეცდება აღნიშნული ხარვეზებისა და სავარაუდო შედეგების მიმოხილვას.

ახალი სააუზო სისტემა და წყლის დაბინძურების პრევენცია

წყლის რესურსების ახალი კანონპროექტი ითვალისწინებს მდინარეთა სააუზო მართვის გეგმის (RBMP) შემუშავებას თითოეული აუზისთვის, რომლებიც

დადგენილების მიხედვით ყოველ 6 წელში უნდა განახლდეს და მათი მართვის გეგმები უნდა შემუშავდეს ისე, რომ დააბალანსოს წყლის მომხმარებელთა ინტერესები და თანადროულად უზრუნველყოს წყლის ეკოლოგიური სტატუსის შენარჩუნება. როგორც ცვლილებების ინიციატორი უწყება, საქართველოს გარემოს დაცვისა და სოფლის მეურნეობის სამინისტრო, აღნიშნავს: „დღეისათვის წყლის რესურსების მართვა ხდება ცენტრალიზებულად და არა ამა თუ იმ წყლის ობიექტის გეოგრაფიულ საზღვრებში — მდინარის აუზის/სააუზო უბნის დონეზე, რაც შეუძლებელს ხდის წყლის რესურსების მდგრად გამოყენებას. ალტერნატივას წარმოადგენს სააუზო მართვის მოდელი, რომელიც გულისხმობს ინტეგრირებულ მიდგომას და მსოფლიოს სხვადასხვა ქვეყნის გამოცდილებიდან გამომდინარე, უზრუნველყოფს წყლის რესურსების მდგრად გამოყენებას.“

კანონპროექტი ითვალისწინებს თითოეული მდინარის აუზისთვის წყლის პრიორიტეტიზაციის გეგმის შემუშავებას, რათა შეიქმნას ახალი პრიორიტეტიზაციის წესები წყლის რესურსების გამოყენებასთან დაკავშირებით, რომლებიც გამოასწორებს ძველ კანონში არსებულ ხარვეზებს და შესაძლებელს გახდის როგორც სხვადასხვა ეკონომიკურ სექტორს შორის კონფლიქტის თავიდან აცილებას, ისე უზრუნველყოფს ქვეყნის მოსახლეობის სუფთა სასმელი წყლით მომარაგებას.

ახალი გეგმის მიხედვით, კლიმატის ცვლილებების შერბილების კუთხით ღონისძიებები 7 სექტორში გაინერა. ესენია: ენერგეტიკის გენერაცია და გადაცემა, ტრანსპორტი, შენობები, მრეწველობა, სოფლის მეურნეობა, ნარჩენების მართვა და სატყეო მეურნეობა. როგორც სოფლის მეურნეობის მინისტრის მოადგილე აღნიშნავს, ორწლიანი გეგმა საშუალებას იძლევა ემისიების დონე 10-12 %-ით დაბალ ნიშნულზე შენარჩუნდეს. პროექტის საერთო ბიუჯეტი 3 მილიარდ ლარზე მეტია.

თამარ ღავითური — საპატიო მოქალაქე

55 წელია ექიმი თამარ ღავითური სოფელ არხილოსკალის ამბულატორიაში ადამიანთა ჯანმრთელობაზე ზრუნავს. გასულ წელს „დედოფლისწყაროს“ დღესასწაულზე გამართულ გალა-კონცერტზე მას დედოფლისწყაროს საპატიო მოქალაქის ნიშნები მიენიჭა. ღვანლობისილი ექიმი ამბობს, რომ ამ სტატუსმა მისი პასუხისმგებლობის განცდა კიდევ უფრო გაზარდა და თავი დაფასებულად აგრძნობინა. 82 წლის ქალბატონი ასაკთან შედარებით შესანიშნავად გამოიყურება, ამას კი აქტიური ცხოვრების შედეგს უწოდებს.



თამარ ღავითური:

„ობლად გავიზარდე, მამა არ მასოვს. 1942 წელს, მეორე მსოფლიო ომის დროს დავიბადე. მშობლების ქორწინებიდან 5-6 თვეში მამაჩემი ომში გაიწვიეს, მისი ნასვლიდან რამდენიმე თვეში გავჩნდი. თურმე დედაჩემი წერილებს იღებდა, იქნებ ცოცხალი ვერ დავბრუნდებ და შვილი მაინც მაჩვენებო. ახლადგანვეულზე ჯერ ისევ ცხინვალში ჰყავდათ, წვრთნებს უტარებდნენ. დედაჩემმა ახალშობილი ჩვილი მატარა ხან ავტობუსით, ხან მატარებლით... ჯერ წნორში, შემდეგ თბილისში, იქიდან ცხინვალში ჩამიყვანა და ეს იყო მამაჩემთან ჩემი პირველი და უკანასკნელი შეხვედრა. დედაჩემს დაუჩივლია, რთული გზა გამოვიარეთო, მაგრამ მამაჩემს გაუჩივებია, ერთხელ მაინც ხომ უნდა მენახაო. შემდეგ დაჭრილი იყო და ბაქოდან მივიღეთ წერილი, ხელში მსუბუქად დაჭრილი ბაქოს საავადმყოფოში იწვა. აქედან გამწვანდა და ფრონტზე მიყვავართო, ეს მისი ბოლო წერილი იყო. მას მერე აღარ გამოჩენილა. მერე კომისარიატში შეტყობინებაც მოვიდა, რომ დაკარგულად ითვლებოდა. დედაჩემი აღარც დაოჯახებულა, ასე მარტო გამზარდა. დედა-მითლი-მამამთილთან ერთად ცხოვრობდა და ისინიც ეხმარებოდნენ.“

პროფესიული არჩევანი როგორ გააკეთეთ და რამ იქონია გავლენა?

— თსსუ სამედიცინო ინსტიტუტის სამკურნალო ფაკულტეტი 1968 წელს დავამთავრე და იმავე წელს დავბრუნდი წითელწყაროში. ჩემს სოფელში ადგილი არ იყო და ოთხი თვე მომთაბარე ექიმად ვმუშაობდი, ყველა სოფელში არსებული ფერმის პერსონალი მეზარა. შემდეგ არხილოსკალის რუსი ექიმი წავიდა, ადგილი გათავისუფლდა და მას მერე მე ვარ. ვერ გეტყვით პროფესიის არჩევანზე გავლენა რამ მოახდინა. ქიმია მომწონდა, რატომღაც ძალიან მხიბლავდა პრაქტიკული სამუშაოები, ფორმულებს ვწერდი და რეაქციებს ვაკვირებოდი. ქიმიის მასწავლებლობაც მინდოდა, რადგან ყველა მასწავლებელი მიყვარდა. მაშინ მასწავლებლები სოფლებში უბან-უბან დადიოდნენ და სასკოლო ასაკის ბავშვებს ეძებდნენ. არავის მიუყვანივარ, ჩემი წავიდა სკოლაში, დღემდე ცხადად მასსოვს პირველი სექტემბერი, ჩემი და მასწავლებლის ჩაცმულობა. სხვათაშორის, სკოლაშიც კარგად ვსწავლობდი. დედაჩემი სოფლის საავადმყოფოში სანიტრად მუშაობდა, ექიმი არ იყო, მაგრამ სახლში სულ პაციენტებზე და მათ მდგომარეობაზე რომ საუბრობდა, ალბათ ეს ჩამებეჭდა გონებაში და აქედან დავიწყე ამ პროფესიაზე ფიქრი, თორემ ჩემს დროს სკოლაში მასწავლებლები პროფესიების შესახებ არ გვესაუბრებოდნენ. 1949 წელს არხილოსკალის ცენტრში გაიხსნა საავადმყოფო და მას მერე დედა იქ მუშაობდა. ინსტიტუტში ჩასაბარებლად სამუშაო სტაჟს ითხოვდნენ, ამიტომ ორი წელი კოლმეურნეობაში ვმუშაობდი თივის აგროვებზე, სილოსის დამზადებაზე, ღორების მოძვლელად. სამუშაო სტაჟის მოგროვების შემდეგ რაიონიდან მოთხოვნა წავიღე, რომ არხილოსკალის ექიმი არ იყო და ჩავირიცხე უმაღლეს სასწავლებელში. დედაჩემიც მირჩევდა ამ გზას გავყოლოდი.

ფოში სანიტრად მუშაობდა, ექიმი არ იყო, მაგრამ სახლში სულ პაციენტებზე და მათ მდგომარეობაზე რომ საუბრობდა, ალბათ ეს ჩამებეჭდა გონებაში და აქედან დავიწყე ამ პროფესიაზე ფიქრი, თორემ ჩემს დროს სკოლაში მასწავლებლები პროფესიების შესახებ არ გვესაუბრებოდნენ. 1949 წელს არხილოსკალის ცენტრში გაიხსნა საავადმყოფო და მას მერე დედა იქ მუშაობდა. ინსტიტუტში ჩასაბარებლად სამუშაო სტაჟს ითხოვდნენ, ამიტომ ორი წელი კოლმეურნეობაში ვმუშაობდი თივის აგროვებზე, სილოსის დამზადებაზე, ღორების მოძვლელად. სამუშაო სტაჟის მოგროვების შემდეგ რაიონიდან მოთხოვნა წავიღე, რომ არხილოსკალის ექიმი არ იყო და ჩავირიცხე უმაღლეს სასწავლებელში. დედაჩემიც მირჩევდა ამ გზას გავყოლოდი.

რა თვისებებს მოითხოვს ადამიანთა ჯანმრთელობის სადარჯოზე ყოფნა?

— რასაც არ უნდა აკეთებდე, შენი საქმე უნდა გიყვარდეს. ზოგადად, საქმის ლალატი არ მჩვევია, ასეთი ხასიათი და ყველაფრის მიმართ ეს დამოკიდებულება მაქვს. საოცარი ერთგულება ვიცი, პაციენტთან მითუმეტეს. თუ პაციენტი არ გიყვარს, არც უნდა გაბედო სამედიცინო სფეროზე ფიქრი. კეთილი უნდა იყო და ავადმყოფზე ყველა ვითარებაში იზრუნო. თამამად შემიძლია ვთქვა, რომ არცერთი წუთით არ მიღალატია ჩემი პროფესიისა და პაციენტებისთვის. ერთგულად ვემსახურე ამ საქმეს და ჩემს სოფელს. პირველ წლებში სოფელ სამთაწყაროსაც მე ვემსახურებოდი. მაშინ სამთაწყაროში ჯერ აჭარული ეკომიგრანტები არ იყვნენ ჩამოსახლებულნი. მხოლოდ 70-მდე კომლი ცხოვრობდა, ძირითადად ინგოლოები. ძველი სამთაწყარო შუაგულში მოექცა, აღმოსავლეთითა და დასავლეთით კი სახელმწიფომ ახალი სახლები ააშენა და აჭარლები ჩამოსახლდა. 17 წელი სამთაწყაროელებს ვემსახურე.

ამ გადასახედიდან რამდენად რთული იყო თქვენი პროფესიული გზა?

— ძალიან რთული დრო იყო, არც სასწრაფო დახმარების სამსახური არსებობდა, არც მანქანა გვყავდა. ხელფასებიც მიზერულად დაბალი იყო, მაგრამ

ამას ჩემი ერთუზიანებისთვის ხელი არ შეუშლია. ხანდახან სატვირთო მანქანით წავიდოდი ხოლმე. ძირითადად კი ფეხით დავდიოდი დარსა თუ ავდარში, დიდ თოვლში... ფეხით ჩავდიოდი, ბავშვებს ავცრიდით და ისევ ფეხით ამოვდიოდით ამხელა აღმართზე. ერთხელ სამთაწყაროდან ღამით დარეკეს, მოზიარეაო. მოგესხენებათ, არხილოსკალოდან სამთაწყაროში ჩასასვლელი გზა როგორი რთული რელიეფისაა. დიდი თოვლი იყო, აღარ ვიციდი, როგორ წავსულიყავი. წინათ მკაცრი ზამთარი იცოდა, ახლა ასეთი თოვლი სადღა... ტელეფონიც არ იყო, ხმის მიწვდენა ჭირდა. წყალკანალის ჯიხური იყო და მხოლოდ იქ ჰქონდათ ტელეფონი. ფოსტაში დაურეკავთ, ხმა ვერავის მიგანვლიდით და ექიმი გვჭირდებოდა. მამინვე კოლმეურნეობის თავმჯდომარესთან მიმა კობაიძესთან მივედი და მანქანა ვთხოვე. „კოლხონიკი“ მომცა, მაგრამ ქვემოთ რომ დავეშვით, გზა არსად ჩანდა და მძლოლი შიმოშდა, არაფერი ჩანს და ვერ გავრისკავო. შუალა-მე იქნებოდა, კობაიძემ ახლა ტრაქტორი გამოგვიგზავნა, რომელიც წინ გაუშვით, გზას ხვედდა და უკან მიყვებოდი. ასე ჩავედით შობიარესთან. რაიონიდან გამოვიძახე გინეკოლოგიც. რთულ პირობებში გვიხდებოდა მუშაობა, მაგრამ პაციენტების დახმარებას მაინც ვახერხებდით.

როგორ ფიქრობთ, დღეს რამდენად დაფასებულია სოფლის ექიმი?

— კმაყოფილი ნამდვილად ვარ, რადგან მატერიალურ კეთილდღეობას არასოდეს ვაქცევდი ყურადღებას. ხელმოკლედ ვიზრდებოდი, ფუფუნებაში არასოდეს მიცხოვრია. პაციენტების კი ყოველთვის ვგრძნობდი და ახლაც ვგრძნობ. ყველა ოჯახში თამამად შემიძლია მისვლა და ყველა პაციენტთან ღიმილით შევიდვარ. გამიმართლა იმ მხრივ, რომ მთელი სოფლის სიყვარული დავიმსახურე. მეგონა, ეს იყო ჩემი ჯილდო, მაგრამ თურმე უფრო დიდი საჩუქარი რაიონისგან მელოდა. მანამდე მიმანდა, რომ მხოლოდ სოფელი ხედავდა ჩემს შრომას, ახლა კი ჩანს, რომ მთელმა დედოფლისწყარომ დამაფასა. ჯილდოები მანამდეც ყოფილა, მაგრამ რა თქმა უნდა, დედოფლისწყაროს საპატიო მოქალაქედ

დასახელება ჩემთვის უფრო მეტს ნიშნავს. ეს დიდ მოვალეობას მაკისრებს. უფრო დაფასებულად ვიგრძენი თავი, რადგან მუნიციპალიტეტის ხელმძღვანელობამ დამდო პატივი და ეს სტატუსი მომანიჭა. ყველა ჯილდო სასიამოვნოა, მაგრამ მიმანდა, რომ საპატიო მოქალაქეობა გაცილებით მეტს მოითხოვს ჩემგან - ნდობის გამართლებას და პასუხისმგებლობას.

ოჯახისა და შვილების შესახებ გვიამბეთ...

— სოფელში დაბრუნებიდან 5 წლის შემდეგ, 1973 წელს დავოჯახდი. ოჯახი შევქმენი ქვემო ქედელ ზურაბ პაპუაშვილთან. ის მეღვინე იყო, ღვინის ქარხანაში მუშაობდა, მაგრამ იმის გამო, რომ მე არხილოსკალში ვმუშაობდი და დედაც ასაკოვანი იყო, ქვემო ქედში საცხოვრებლად არ გადავსულვარ, პირიქით, მეუღლე გადმოვიდა ჩვენს სახლში. შემეძინა ორი ქალიშვილი, ორივე ექიმა და დედაქალაქში ცხოვრობს. ერთი შვილი გორის სამხედრო ჰოსპიტალში მუშაობს, ოჯახის ექიმია, მეორე თბილისში, ბოჭორიშვილის კლინიკაში, კარდიოლოგად და ექოსკოპისტად. ასევე შეთავსებით მცხეთის საავადმყოფოშიც მუშაობს. სამი შვილიშვილი მყავს, მერვე, მეშვიდე და მეოთხე კლასელები. 8 წელია, ჩემი მეუღლე ინფარქტით გარდაიცვალა, მას შემდეგ მარტო ვცხოვრობ და ყოფიერების სიმძიმეს მარტო ვუმკლავდები. კარგი მეუღლე მყავდა, პრობლემებს არასოდეს მიქმნიდა, კოლეგებისგან მესმოდა, რომ ღამით მეუღლეები არ უშვებდნენ პროფესიული მოვალეობის შესასრულებლად. მას კი ჩემთვის მსგავსი პრობლემა არასოდეს შეუქმნია.

ამ ასაკში რთულია მარტოობა?

— სიმართლე გითხრათ, თითქმის ვერ ვგრძნობ მარტოობას. სამ საათამდე ამბულატორიაში ვარ, სამსახურიდან რომ გავდივარ, უკვე ვიცი, რა უნდა ვაკეთო. გზაში გემებს ვანყობ. ვენახს მაქვს, ძროხა, ღორები და ქათამები მყავს. ზოსტანს ვუვლი და 5 ჰექტარზე ხორბალი, 4-ზე კი ქერი მითესია და ეს ყველაფერი დიდ დროსა და ენერჯის მოითხოვს. რა თქმა უნდა, ეს ყველაფერი შვილებისა და შვილიშვილებისთვისაა. უსაქმოდ ყოფნა არ შემიძლია, აქტიური ვარ და სხვებსაც ამისკენ მოვუწოდებ, რომ იაქტიურონ. ვისაც ჯანმრთელობა ხელს უწყობს და შრომა უყვარს, იმას ცხოვრება არ გაუჭირდება და თავის გატანას შეძლებს. სოფლის მაცხოვრებელი სოფლის მეურნეობას უნდა მოეკიდოს.

მშენივრად გამოიყურებით, ასაკი არ გეტყობათ, როგორ ახერხებთ ამას?

— ჯანმრთელობას არ ვუჩივი, პერიოდულად მხოლოდ წნევა მანუხებს. უსათვალოდ ვკითხულობ, 8 წელია სათვალე არ მიხმარია. კითხვა ძალიან მიყვარს, მაგრამ სამუშაოდ, დრო აღარ მაქვს, რომ ვიკითხო, ძირითადად გაზრტის ვკითხულობ და უფრო სამედიცინო ლიტერატურას ვეცნობი. სამსახურში ფეხით დავდივარ. სიარული ჯანმრთელობისთვის სასარგებლოა. ჯანმრთელობის შესანარჩუნებლად მნიშვნელოვანია აქტიური ცხოვრების წესი, მოძრაობა...

ესაუბრა ილია მარტყოფლიძე

სვლილები სამხედრო განვების სამსახურში

რეგიონებში სამხედრო აღრიცხვისა და განვების სამსახურები მუნიციპალიტეტებს გამოეყო და მიმდინარე წლის იანვრიდან თავდაცვის სამინისტროს დაქვემდებარებაში გადავიდა. სამინისტრომ შექმნა სსიპ „სამხედრო აღრიცხვისა და რეკრუტირების ეროვნული ცენტრი“. სწორედ ამ ცენტრებში გაერთიანდა რაიონული სამსახურები, მათ შორის დედოფლისწყაროს განყოფილება.

ქვეყნის მასშტაბით ახალი კადრები კონკურსის შედეგად შეირჩნენ. იანვრის თვეში ვაკანსიები იყო გამოცხადებული დედოფლისწყაროშიც. კონკურსის შედეგების თანახმად, „სამხედრო აღრიცხვისა და რეკრუტირების ეროვნული ცენტრის“ დედოფლისწყაროს განყოფილების ხელმძღვანელებს ანა კიკილაშვილი დაინიშნა. მან ინფორმაცია დაადასტურა და სოციალურ ქსელში 28 თებერვალს თავადვე გამოაქვეყნა.

„დავასრულე ჩემი 5 წლიანი სამსახური მე-2 ქვეით ბრიგადაში და გადავინაცვლე სსიპ „სამხედრო განვებისა და რეკრუტირების ეროვნული ცენტრის“ დედოფლისწყაროს მუნიციპალური განყოფილების ხელმძღვანელად. ისევ თავდაცვაში, ისევ ქვეყნის და ერის სამსახურში, ახალი შემართებით, გეგმებითა და მოტივაციით!“ — წერს ანა კიკილაშვილი.

ფილი უფროსი მამუკა ალადაშვილი ამბობს, რომ რეორგანიზაციის შედეგად ის განყოფილების ხელმძღვანელის მოადგილის პოზიციაზეა გადაყვანილი. შეგახსენებთ, დედოფლისწყაროს მუნიციპალიტეტის საკრებულომ 2023 წლის 20 დეკემბრის სხდომაზე გააუქმა ადგილობრივი სამხედრო განვების სამსახური და ძალადაკარგულად გამოაცხადა მათ მიერვე გამოცემული დადგენილება „დედოფლისწყაროს მუნიციპალიტეტის მერიის პირველადი სტრუქტურული ერთეულის — სამხედრო აღრიცხვის, განვებისა და მობილიზაციის სამსახურის დებულების დამტკიცების შესახებ“.

საქართველოს ეროვნული ნაკრების ისტორიული გამარჯვება

საქართველოს ეროვნულმა საფეხბურთო ნაკრებმა ისტორიაში პირველად მოიპოვა ევროპის ჩემპიონატის საფეხბურთო 2024-ის საკვალიფიკაციო ეტაპის ფინალურ შეხვედრაში, რომელიც 26 მარტს თბილისში, „დინამო არენაზე“ გაიმართა, მან საბერძნეთის ეროვნულ ნაკრებს სძლია და გერმანიაში ევრო 2024-ის ფინალურ ტურნირში მონაწილეობის უფლება მოიპოვა. მატჩის ძირითადი და სათადარიგო დრო ფრედ, 0:0 დასრულდა. თამაშის ბედი გადაწყვიტა პენალტების სერიაში, რომელშიც ქართველმა ფეხბურთელებმა ანგარიშით 4:2 გაიმარჯვეს. თუმცა ამ გამარჯვებას წინ 30 წლიანი მოლოდინი უძლიერა. თუ რა ისტორიის მატარებელია ჩვენი ეროვნული ნაკრები, რა ემოციები დაეუფლათ და როგორ აფასებენ ჩვენი ფეხბურთელები მიღწეულ გამარჯვებას, სტატიაში შემოგთავაზებთ.

რა პირობებში იყო ნაკრები?

საქართველოს საერთაშორისო შეხვედრებსა თუ ტურნირებზე საქართველოს ეროვნული საფეხბურთო ნაკრები წარმოადგენს. ნაკრების კონტროლს და ხელმძღვანელობას საქართველოს ფეხბურთის ფედერაცია ახორციელებს, რომელიც ფიფას და უეფას წევრია 1992 წლიდან. ეროვნული ნაკრები საშინაო შეხვედრებს თბილისში, ბორის პაიჭაძის ეროვნული სტადიონზე მასპინძლობს. საქართველოს ეროვნული ნაკრების საუკეთესო შედეგებია 1996 წლის ევროპის ჩემპიონატისა და 2002 წლის მსოფლიო ჩემპიონატის საკვალიფიკაციო ეტაპზე დაკავებული მესამე ადგილები. ასევე, 2018-19 უეფას ერთა ლიგის მეოთხე D დივიზიონის პირველ ჯგუფში და 2022-23 უეფას ერთა ლიგის მესამე C დივიზიონის მეოთხე ჯგუფში დაკავებული პირველი ადგილები, რაზეც ნაკრებს უეფას ევრო 2020-ის და ევრო 2024-ის შესარჩევი პლეი-ოფის საფეხურები მოუპოვა. 2023 წლის 26 ოქტომბრის მდგომარეობით, საქართველოს ეროვნული ნაკრები ფიფას რეიტინგში 76-ე ადგილზეა.

ნაკრების ისტორია

საქართველოს ეროვნული ნაკრების ისტორია 1990 წელს იწყება. მანამდე ქართველი ფეხბურთელები თამაშობდნენ საბჭოთა კავშირის ეროვნულ საფეხბურთო გუნდში. პირველი მატჩი საქართველოს საუკეთესო ფეხბურთელებმა ლიეტუვასთან გამართეს, რადგანაც პირველად ლიეტუვა გამოეხმაურა ქართული მხარის მიწვევას. ეს მატჩი 1990 წლის 27 მაისს ეროვნულ სტადიონზე გაიმართა. მასპინძელთა ღირსებას იცავდნენ: ასლან ბლაძიე, გელა კეტაშვილი, კახა ცხადაძე (71 კახაბერ კაჭარავა), დიმიტრი კუდინოვი, გია ფირცხალავა, გიორგი ნადირაძე, თემურ ქეცბაია, ზაზა რევიშვილი (46 მელიორ ბიგვაგა), ოთარ კორღალიძე (46 როსტომ თორღაშვილი), გია გურული, მამუკა ფანცულაია (46 გოჩა გოგრიჭანი) (მწვრთნელი გივი ნოდია). შეხვედრა ფრედ - 2:2 დამთავრდა. ეს იყო დამოუკიდებლობის აღდგენამდე გამართული ერთადერთი მატჩი. შეხვედრას 55 000 მსყურებე-

ლი დაესწრო. ბალტიისპირელები ორჯერ იგებდნენ, მაგრამ ჯერ გია გურულმა გაათანაბრა ანგარიში, მერე კი კახა კაჭარავამ. საქართველოს ეროვნული ნაკრების პირველი გოლი გია გურულმა გაიტანა. ნაკრების პირველი კაპიტანი ოლიმპიული ჩემპიონი გელა კეტაშვილი იყო. 1990 წელს საქართველოს ფეხბურთის ფედერაცია ჯერ კიდევ არ იყო ფიფას და უეფას წევრი, ამიტომ ლიეტუველებთან გამართული მატჩი ნაკრების ფიფას ჩამონათვალში არ ირიცხება.

ამის შემდეგ 1991 წლის 2 ივლისს, საქართველოს ნაკრებმა კიდევ ერთი ამხანაგური შეხვედრა გამართა მოლდოვასთან და ანგარიშით 4:2 გაიმარჯვა. 1992 წელს საქართველოს ფეხბურთის ფედერაცია ფიფას და უეფას წევრი გახდა და საქართველომ მიიღო შეჯიბრებებში მონაწილეობის უფლება. პირველი ოფიციალური თამაში ევრო 96-ის შესარჩევ ციკლში 1994 წლის სექტემბერში შედგა, სადაც ქართველი ფეხბურთელები მოლდოვასთან 1:0 დამარცხდნენ. საქართველო ამ ჯგუფში მე-3 ადგილზე გავიდა, გადაუსწრო მოლდოვას და უელსს, მაგრამ 7 ქულით ჩამორჩა მეორეადგილოსან ბულგარეთს. მსოფლიოს 1998 წლის ჩემპიონატის შესარჩევ ციკლში საქართველოს ეროვნულმა ნაკრებმა 8 თამაშიდან მოიპოვა 3 გამარჯვება, 1 ფრედ და ჯგუფში მესამე-მეოთხე ადგილი პოლონეთთან გაიყო, თუმცა მეტი კოეფიციენტების გამო ქართველებზე წინ პოლონელები გავიდნენ. აღსანიშნავია, რომ 1998 წელს საქართველოს ნაკრებს ფიფას რეიტინგში ისტორიაში ყველაზე მაღალი - 42-ე ადგილი ეკავა. 2000 წლის ევროპის ჩემპიონატის შესარჩევ ციკლში საქართველოს ეროვნულმა ნაკრებმა 10 თამაშიდან 1 მოგებას და 2 ფრეს მიიღწია და 5 ქულით ჯგუფში ბოლო ადგილზე გავიდა. 2002 წლის მუნდიალის შესარჩევ ციკლში კი საქართველოს ნაკრებმა გაიმართა ევროპის 1996 წლის ჩემპიონატის შესარჩევ ეტაპზე მიღწეული წარმატება და ჯგუფში მესამე ადგილი დაიკავა.

რა პირობებში იყო ნაკრები?

ამის შემდეგ იწყება ნამდვილი რეგრესის ხანა - ევრო 2004-ის შესარჩევში გუნდმა ბოლო ადგილი დაიკავა. თუმცა, ამ ციკლში ქართველებმა ისტორიაში ერთ-ერთი ხმაურიანი გამარჯვება იზიგნეს, დაამარცხეს რა რუსეთის ეროვნული ნაკრები ანგარიშით 1:0. შეხვედრის ერთადერთი გოლი მალხაზ ასათიანმა გაიტანა. იგივე შედეგი გამიორდა 2006 წლის მსოფლიო ჩემპიონატის შესარჩევში - ქართველებმა მხოლოდ ყაზახეთის ეროვნულ ნაკრებს აჯობეს. თუმცა, აღსანიშნავია, რომ ყაზახებმა უეფას-ს წევრის სტატუსით ჩატარებულ მატჩებში პირველი ქულა სწორედ საქართველოს ნაკრებთან მოიპოვეს.

ევრო 2008-ის შესარჩევში საქართველომ ტრადიციას არ უღალატა და კვლავ მხოლოდ ერთ გუნდს, ამჯერად ფარელების ნაკრებს გადაასწრო, თუმცა საქართველოს ნაკრებმა ამ შესარჩევშიც ჩაატარა დასამახსოვრებელი მატჩები, დაამარცხა რა ფარელების ნაკრები გასულაზე 6:0, შესარჩევი ციკლის გახსნით მატჩში და ციკლის მინიშნულს 2:0 დაამარცხა იმ პერიოდში საკმაოდ ძლიერი შოტლანდიის ნაკრები, რომელმაც ამ ნაკრებით ფაქტობრივად დაკარგა ჯგუფიდან გასვლის შანსი. ამ მატჩში გოლები ლევან მჭედლიძემ და დავით სირაძემ გაიტანეს. ამავ უელს ამხანაგურ თამაშებში ქართველებმა დაამარცხეს ურუგვაის და თურქეთის ნაკრებები. შემდეგი შესარჩევი ციკლი (მსოფლიო 2010) კი ანტირეკორდის ხანა იყო - ქართველებმა



ევრო მოიგეს ვერცერთი თამაში და ჯგუფში ბოლო ადგილზე გავიდნენ. ამ დროს ნაკრებს ცნობილი არგენტინელი სპეციალისტი ექტორ რაულ კუპერი წვრთნიდა.

თამარ ჭავჭავაძის მემორიალური პრიზი

2010 წლის პირველ იანვარს ნაკრებს სათავეში ცნობილი ქართველი ფეხბურთელი თემურ ქეცბაია ჩაუდგა. მისი ხელმძღვანელობით ნაკრებმა ისტორიული შედეგი აჩვენა - 2010 წელს თამაში არ წაუგია. 2012 წლის ევროპის ჩემპიონატის შესარჩევ ჯგუფში საქართველოს ნაკრებს საბერძნეთის, ხორვატიის, ისრაელისა და ლატვიის ეროვნულ გუნდები შეხვდა. ამას მოჰყვა ქართული ფეხბურთის ისტორიაში ყველაზე ხმაურიანი გამარჯვება - 1:0 ხორვატიასთან, სადაც ქართველებმა, ლევან კობიაშვილის მიერ 90-ე წუთზე გატანილი გოლით ჯგუფის ფავორიტი ხორვატია დაამარცხეს. მაგრამ მას შემდეგ ნაკრებში კრიზისი დაიწყო. საბოლოოდ, ქართველებმა 2012 წლის ევროპის ჩემპიონატის შესარჩევ ჯგუფში მხოლოდ მალტის ნაკრებს გაუსწრეს და ბოლოსწინა მეხუთე ადგილი დაიკავეს. 2011 წელს სანკრეგო კარიერა დაასრულეს ვეტერანებმა, ლევან კობიაშვილმა და ალექსანდრე იაშვილმა, რომლებზეც მთავარმა მწვრთნელმა თემურ ქეცბაიამ განაცხადა, რომ აღარ გამოიძახებდა ნაკრების გაახალგაზრდავების გამო. 2014 წლის მსოფლიო ჩემპიონატის შესარჩევ ჯგუფში ჯვაროსნებს მეტოქეებად მსოფლიოსა და ევროპის მოქმედი ჩემპიონები ესპანეთისა და საფრანგეთის ნაკრებები, ასევე ფინეთისა და ბელარუსის გუნდები შეხვდა. საქართველოს ნაკრებმა ციკლი კარგად დაიწყო, თბილისში მოუგო ბელარუსს 1:0, ხოლო 4 დღეში ესპანეთთან მინიმალური სხვაობით წააგო. მიუხედავად კარგი სტარტისა, ნაკრებმა შემდეგი მატჩები ჩააგდო, ჰელსინკიში ფინეთის ნაკრებთან შეხვედრა ფრედ 1:1 დასრულდა, ხოლო რამდენიმე დღეში ბელარუსთან სტუმრად 2:0 დამარცხდა. საბოლოოდ, საქართველოს ნაკრებმა, გაასწრო რა მხოლოდ ბელარუსს ჯგუფში კვლავ ბოლოსწინა, მეოთხე ადგილი დაიკავა. ციკლის მანძილზე ქეცბაიას კონფლიქტი მოუვიდა ნაკრების მცველებთან, ზურაბ ხიზანიშვილთან და ალექსანდრე ამისულაშვილთან, რომლებმაც ქეცბაიას ნაკრებში თამაშზე უარი განაცხადეს. ევრო 2016-ის საკვალიფიკაციო ეტაპზე პირველი ოთხი მატჩიდან სამის პოლების (ირლანდია 1:2, შოტლანდია 0:1, პოლონეთი 0:4) შემდგომ ქეცბაია მწვრთნელის პოსტიდან გადადგა. მის ნაცვლად მთავარ მწვრთნელის პოსტი კახაბერ ცხადაძემ დაიკავა, რომელსაც პოსტი 1 წელი ეკავა და 2016 წლის დასაწყისში თანამდებობა დაატოვებინეს სახელფასო სკანდალის შემდეგ. მის შემცვლელად სლოვაკი ვლადიმერ ვაისი დაინიშნა.

2020 წლამდე ეროვნულ ნაკრებს ვლადიმერ ვაისი ხელმძღვანელობდა. მის შემცვლელად, დროებით მთავარი მწვრთნელის მოვალეობის შემსრულებლად კი ახალგაზრდა სპეციალისტი რამაზ სვანაძე დაინიშნა, რომელიც თბილისის „დინამოს“ ფეხბურთელი და საქართველოს ახალგაზრდული ნაკრების ძალიან ნიჭიერი მარჯვენა მცველი და კაპიტანი იყო, რომელსაც კარიერას გაგრძელების საშუალება ტრავმამ არ მისცა. რამაზ სვანაძე ცნობილი საფეხბურთო ოჯახიდანაა, 1981 წლის ოქროს თაობის თბილისის „დინამოს“ მცველის, ზაურ სვანაძის ძმისშვილია, მამამისი, მამუკა სვანაძე ქუთაისის „ტორპედოს“ მოთამაშე გახლდათ. 2021 წლის 15 თებერვლიდან კი საქართველოს ეროვნულ საფეხბურთო ნაკრებს, ფრანგი სპეციალისტი - ვილი სანიოლი ხელმძღვანელობს. იგი საფრანგეთის ნაკრებთან ერთად მსოფლიოს ვიცე ჩემპიონი (2006) და კონფედერაციის თასის ორგზის გამარჯვებული გახდა (2001, 2003). ვილი სანიოლმა

მიუხეხის ბაიერნის შემადგენლობაში უეფას ჩემპიონთა ლიგა (2001) და გერმანიის ჩემპიონის ტიტული სუთფერ (2001, 2003, 2005, 2006, 2008) მოიგო. ფრანგი სპეციალისტი 2011-2013 წლებში საფრანგეთის ნაკრების ტექნიკური დირექტორის პოსტს იკავებდა. 2013-2014 წლებში საფრანგეთის 21-წლამდე ნაკრების მთავარი მწვრთნელი იყო. ვილი სანიოლმა მწვრთნელის რანგში საკლუბო კარიერა დაიწყო და 2014-16 წლებში ფრანგულ ბორდოს ხელმძღვანელობდა. ვილი სანიოლის დებიუტი საქართველოს ეროვნულ ნაკრებში 2021 წლის 25 მარტს შედგა. 2022 წლის მსოფლიო ჩემპიონატის საკვალიფიკაციო ეტაპის პირველ ტურში საქართველოს ნაკრები სტუმრად შეედეტს დაუპირისპირდა.

რა სიზარტყია იყო?

მრავალწლიანი პაუზის და მოლოდინის შემდეგ, საქართველოს ეროვნული საფეხბურთო ნაკრები ევროპის ჩემპიონატზე ითამაშებს. საკვალიფიკაციო ეტაპის პლეი-ოფის ფინალურ შეხვედრაში, ჩვენმა გუნდმა საბერძნეთის ნაკრები პენალტების სერიაში დაამარცხა. დაძაბული მატჩის ძირითადი და დამატებითი დრო გატანილი გოლების გარეშე, 0:0 დასრულდა. 11-მეტრანების სერიაში საქართველოს ნაკრებმა 4:2 მოიგო. პენალტები ზუსტად გიორგი ჭოროშაშვილმა, ზურიკო დავითაშვილმა, ლამა დალაშა და ნიკა კვეცივაძემ შეასრულეს. გიორგი მამარდაშვილმა კი, მეტოქის პირველი 11-მეტრანი მოიგერია.

შედეგები და უფასოება

მატჩის დასრულების შემდეგ საქართველოს ნაკრებმა გამარჯვება რესპუბლიკის მოედანზე გულმემატკივრებთან ერთად აღნიშნა. ლონისძიების მსვლელობისას პრემიერ-მინისტრმა ირაკლი კობახიძემ და პარლამენტის თავმჯდომარე შალვა პაპუაშვილმა საქართველოს საფეხბურთო ნაკრების წევრები ღირსების ორდენზე წარადგინეს. „დღეს უბედნიერესი დღეა. ეს ის ბედნიერებაა, რომელიც ჩვენ გვაერთიანებს. ეს ბიჭები გმირები არიან, ისინი წარდგენილები იქნებიან ღირსების ორდენზე, თითოეული მათგანი. ყველას მიმართ დიდი სიყვარული მინდა გამოვხატო“, - განაცხადა ირაკლი კობახიძემ.

„გავედით ევროპის ჩემპიონატზე, ჩვენ დავწერეთ ისტორია. ძალიან დიდი მადლობა მინდა გადავუხადო გულმემატკივრებს. არა მარტო დღეს, არამედ მთელი წელიწადი-ნახევარი გვერდში გვიდგანან და გავმხნევენ რაც შეუძლიათ. მათ დიდი დამსახურებაა, რომ დღეს აქ ვართ და მიხარია მათთვის, რომ ისინი გვახდენიერებენ, გავედი ევროპის ჩემპიონატზე და ოცნება ავიხიზნეთ“ - განაცხადა მედიასთან საქართველოს ეროვნული ნაკრების მეკარემ, გიორგი მამარდაშვილმა.

მედიასთან კომენტარი გააკეთა საქართველოს ნაკრების თავდამსხმელმა, სვიჩა კვარაცხელიამაც. სვიჩა კვარაცხელიას თქმით, საქართველოს ნაკრების გამარჯვება ქართველი გულმემატკივრების დამსახურებაა. „უბედნიერესი ვართ, ასეთი ემოცია არასდროს არ მქონია ცხოვრებაში. მადლობა ქართველ გულმემატკივრებს. ბევრ სტადიონზე მაქვს ნათამაშები, მაგრამ 120 წუთი ასეთი გულმემატკივრობა, ასეთი რამე არსად არ მინახავს. თქვენ იყავით ერთ-ერთი ყველაზე მნიშვნელოვანი ფაქტორი, რომ გავიმარჯვეთ“, - აღნიშნა მან.

გეტყვი, რომ ევროპის ჩემპიონატი 14 ივნისიდან 14 ივლისის ჩათვლით გერმანიაში გაიმართება. საქართველოს ნაკრები F ჯგუფში პორტუგალიის, თურქეთის და ჩეხეთის ნაკრებებთან ერთად იასპარეზებს. გახუთი „შირაქი“ წარმატებას უსურვებს ეროვნულ ნაკრებს. გვეჯერა, რომ ერთიანობით ყველაფერი შესაძლებელია. წინ მომავალი გამარჯვებებისკენ!

მოამზადა შუშუხა ყანარაშვილი



„უმაღლეს განათლებას განსხვავებული სტანდარტის დანერგვა და ინოვაციები სჭირდება“ ...

იაკობ გომბაზაშვილის სახელობის თელავის სახელმწიფო უნივერსიტეტი კახეთის რეგიონში ძველი და ერთდროს სხვადასხვა დანახარჯიანი არსებობის მანძილზე უნივერსიტეტმა მრავალი პროფესიონალი მოამზადა. თელავის სახელმწიფო უნივერსიტეტს გარკვეული დროის მანძილზე კვალიმდებელი პროფილი ჰქონდა. ათეული წლებია, მისი პროფილი გაფართოვდა და სახელთან ერთად მნიშვნელოვან პედაგოგია. როგორ უმაღლესი უნივერსიტეტი ახალ გამოწვევებს და რა სიახლეებს სთავაზობს აბიტურიენტებსა და სტუდენტებს, ამის შესახებ უნივერსიტეტის რექტორი შალვა ჭაბუაძე საუბრობს.



— ბატონო შალვა, მოკლედ რომ გავაცნოთ მკითხველს თელავის სახელმწიფო უნივერსიტეტი, რა იქნება თქვენი პირველი სათქმელი?

— ჩვენი უპირველესი სათქმელი არის ის, რომ თელავის სახელმწიფო უნივერსიტეტი რეგიონში ერთდროს უმაღლესი დანახარჯი და ახალგაზრდობის განათლების საქმეს თითქმის საუკუნეა ემსახურება. თითქმის ასი წლის განმავლობაში უნივერსიტეტმა ბევრი ქართველი გამოიარა, მაგრამ მუდმივად ვითარდება, უმკლავდება ახალ გამოწვევებს და ზრდის თაობებს. ალბათ, იშვიათი ოჯახია კახეთში, რომლის ერთი წევრი მაინც თელავის უნივერსიტეტის კურსდამთავრებული არ იყოს. მინდა გითხრა, რომ კახეთის რეგიონის შრომით ბაზარზე უნივერსიტეტის მომზადებულ სპეციალისტებზე დიდი მოთხოვნაა. თელავის სახელმწიფო უნივერსიტეტს მხოლოდ საგანმანათლებლო ფუნქცია არ აქვს. ის, როგორც განათლების ერთდროს ვერა, რეგიონის სოციალურ-კულტურულ განვითარებაშიც დიდ როლს თამაშობს.

— ამ ისტორიულ ეტაპზე, საქართველო განვითარების სრულიად ახალ გზას დაადგა. ბუნებრივია, განათლების სის-

ტემას და მით უფრო, უმაღლეს განათლებას, განსხვავებული სტანდარტის დანერგვა და ინოვაციები სჭირდება. როგორ შეხვდა თელავის სახელმწიფო უნივერსიტეტი ამ მნიშვნელოვან გამოწვევას?

— ცხადია, თქვენ საქართველოს ევროპულ მისწრაფებაზე მესაუბრებით. გეტანხმებით, ევროკავშირის წევრობის კანდიდატი ქვეყნის სტატუსმა, მთლიანად ქვეყანას და ცხადია, განათლების სისტემასაც ახალი მოთხოვნები წაუყენა. თელავის სახელმწიფო უნივერსიტეტის გამარჯვებად უნდა ჩაითვალოს, რომ ინტერნაციონალიზაციის, ევროპულ სტანდარტთან დაახლოების პროცესი ჩვენ წლებია დანერგული გვაქვს, ამიტომაც ვართ ავტორიზებული, ამდენი საინტერესო სპეციალობების მქონე უმაღლესი სასწავლებელი. არ იფიქროთ, რომ მოპოვებული დავკმაყოფილებდით, მუდმივი განვითარების, ძიების, კვლევის პროცესი მიდის. ჩვენი აკადემიური პერსონალი მუშაობს ახალი სპეციალობების დანერგვაზე, მუდმივად ვცდილობთ აბიტურიენტის ინტერესს და მოთხოვნას მოვერგოთ. ეს არამხოლოდ უნივერსიტეტის, არამედ იმ ადამიანების ნარ-

მატებაცაა, ვინც ჩვენ ნდობას გვიცხადებს და ვეიმედობს.

— სწორედ ევროპასთან ასოცირების ფონზე, რას სთავაზობს უნივერსიტეტი უცხოეთში სწავლის გაგრძელების მსურველ აბიტურიენტებს?

— დღევანდელი მდგომარეობით, თელავის სახელმწიფო უნივერსიტეტს პარტნიორობას უწევს ევროპის სხვადასხვა ქვეყნის 20-ზე მეტი წამყვანი უმაღლესი სასწავლებელი. სტუდენტების მთელი ნაკადი მოძრაობს ევროპისკენ, სარგებლობს გაცვლითი პროგრამებით, იქნეს ახალ ცოდნას. ამ დროისთვისაც სტუდენტები წასულები არიან, იტალიაში, ჩეხეთში და ესპანეთში. შესარჩევი კონკურსები ახლაც მიმდინარეობს და ამ სიკეთით, კიდევ უამრავი სტუდენტი ისარგებლებს. ევროპის მიმართულებით, არამხოლოდ გაცვლითი პროგრამებით, არამედ ერასმუს+-ის დაფინანსებული პროექტებითაც ვთანამშრომლობთ. მუდმივად მიმდინარეობს აკადემიური პერსონალის გაცვლა, ჩვენი პროფესორ-მასწავლებლები უცხოეთის სხვადასხვა უნივერსიტეტებში იმალევენ კვალიფიკაციას, ჩართულები არიან ახალ კვლევებში. ჩვენთანაც ხშირად

ჩამოდიან უცხოელი პარტნიორები, პროფესორ-მასწავლებლები, რომლებიც ატარებენ ლექციებს, ტრენინგებს. მოკლედ, ინტეგრაცია ევროპისკენ, შესაძლოა ჩვენ ბევრად უფრო ადრე დაფიქრეთ, რადგან ერასმუს+-ის დაფინანსებული პროექტების რაოდენობით, მეოთხე ადგილზე ვართ, საქართველოს უმაღლეს სასწავლებლებს შორის. ევროპული პროექტების გარდა, ძალიან ნაყოფიერი ურთიერთობა ჩამოგვიყალიბდა ამერიკის საერთაშორისო განვითარების სააგენტოსთან და ეს თანამშრომლობა, სულ უფრო აქტიური ხდება. აღარ ჩამოვვლი კონტაქტებს საქართველოში აკრედიტებულ საელჩოებთან და თავად ელჩებთან, რომლებიც ჩვენი ხშირი სტუმრები არიან. საქართველოში მოქმედი სხვადასხვა ფონდები თელავის სახელმწიფო უნივერსიტეტს უფინანსებენ საინტერესო პროექტებსა და ინოვაციებს, მაგალითად, თანამშრომლობა გვაქვს შოთა რუსთაველის საქართველოს ეროვნულ სამეცნიერო ფონდთან.

— რამდენად საინტერესო და მოთხოვნადია სპეციალობები, რომლებსაც თქვენ სთავაზობთ აბიტურიენტებს?

— ჩვენთვის პრიორიტეტული აგარარული მიმართულებაა და არის სპეციალობები, რომლებსაც სახელმწიფო სრულად აფინანსებს. აგარარული მიმართულება წარმატებით მუშაობს და ჩვენმა მაგისტრანტებმა უნივერსიტეტის წარმოებული ღვინის ჩამოსხმაც კი შეძლეს. სრული სახელმწიფო დაფინანსება აქვს რამდენიმე პროგრამას ჰუმანიტარული მიმართულებითაც. ძალიან აქტიურია ტურიზმის სპეციალობაც და იცით, რომ მთელი მსოფლიო ტურიზმით არის დაინტერესებული. ვფიქრობ, რომ ამ პროფესიას დიდი მომავალი აქვს. არ შემიძლია არ ვახსენო სამართლის სპეციალობა, რომელიც ფასიანია, მაგრამ არის ძალიან მოთხოვნილი. ეს მიმართულება ყოველდღიურად ძლიერდება, იხვეწება და სხვადასხვა სახის პროექტების განხორციელებაში ერთვება. სულ რამდენიმე დღის წინ, უნივერსიტეტს ბრიტანელი ექსპერტი, იორკის უნივერსიტეტის სამართლის სკოლის წარმომადგენელი, იურიდიულ წრეებში ძალიან ცნობილი, რჩარდ გრაიმსი სტუმრობდა. ორი დღის განმავლობაში, სტუდენტებმა სრულიად ახალი ცოდნა და გამოცდილება შეიძინეს. შემდგომში ისინი, თავად შეძლებენ მსგავსი ვორქშოპებით, სამართლებრივი განათლება საზოგადოების ფართო ფენებს გადასცენ. ეს არის ძალიან მცირე ჩამონათვალი, იმისა, რამდენ აქტივობაში არიან ჩართულები სტუდენტები. ფაქტიურად,

ყოველდღიური განვითარების, ზრდის, ცოდნის შეძენის პროცესში არიან. არცერთი დღე არ გადის, საინტერესო შეხვედრის, თუ სხვადასხვა სფეროში ცნობილ სპეციალისტთან გაცნობის გარეშე.

— იზრდება თუ არა, სტუდენტების რაოდენობა და როგორია სტუდენტური ცხოვრება თელავის სახელმწიფო უნივერსიტეტში?

— ძალიან მიხარია იმის დადასტურება, რომ წლებიდან წლები, სტუდენტების ბევრად გაზრდილი რაოდენობით დაფიქრეთ. მე ვფიქრობ, რომ ეს ჩვენი აკადემიური და ადმინისტრაციული პერსონალის მუხლჩაუხრელი შრომის შედეგია. რამდენად აქტიურია სტუდენტური ცხოვრება, თავად სტუდენტები უკეთ მოყვებიან, მაგრამ მაინც მინდა გითხრა, რომ სწავლის, გაართობის, დასვენების ყველა შესაძლებლობა აქვთ. სტუდენტები თავად ქმნიან კლუბებს, ატარებენ კულტურულ ღონისძიებებს, ინვესტირებენ სტუმრებს, ატარებენ კონფერენციებს, ერთვებიან პროექტებში, მუდმივად ხვდებიან დამსაქმებლებს და აღწევენ წარმატებებს. მოკლედ, ნამდვილი სტუდენტური ცხოვრებით ცხოვრობენ.

მინდა ვთქვა, რომ წარჩინებული სწავლისათვის უდიდესი სტიმული გახდა სტიპენდიების გაორმაგება. ამან გაზარდა დაინტერესება სხვადასხვა აქტივობებში ჩართვისთვისაც. ძალიან დიდი შედეგია იყო სტატუსშეჩერებული სტუდენტებისათვის დავალიანების ჩამონერაც. ვერ გეტყვით, რომ ყველამ, მაგრამ ძალიან ბევრმა გააგრძელა სწავლა და მჯერა, რომ სრულ-



ლი კურსის დასრულებას წარმატებით შეძლებს. სტუდენტი და მისი სწავლისა და პიროვნული განვითარებისათვის კომპორტული გარემოს შექმნა, ჩვენი უპირველესი საზრუნავია. ამ მიზნის სამსახურში განვაახლეთ ინფერსტრუქტურა, ინვენტარი, ლაბორატორიები, ახალი სასწავლო კორპუსები. მე დიდი იმედი მაქვს, რომ წელს ბევრად მეტი აბიტურიენტი და შესაბამისად, უფრო მეტი სტუდენტი შემოაღებს თელავის სახელმწიფო უნივერსიტეტის კარს.

ყურნალისტთა კლუბის ახალი პროექტი

დედოფლისწყაროს №1 საჯარო სკოლის „ყურნალისტთა კლუბის“ ხელმძღვანელი, ლია ქადაგიძე „სამოქალაქო საზოგადოების ინიციატივა: მდგრადი, ღია და ანგარიშვალდებული სამოქალაქო საზოგადოების ორგანიზაციები საქართველოს განვითარებისთვის“ მოხალისეობრივი ინიციატივების სავარსებო კონკურსის გამარჯვებული პროექტის ავტორია.

სკოლაში უფროსკლასელების მონაწილეობით ყურნალისტთა კლუბი „ახალი თაობა“ უკვე მერამდენე წელია მოქმედებს და სხვადასხვა აქტივობებს ახორციელებს. გასულ წელს ისინი გაზეთ „შირაქის“ რედაქციასაც სტუმრობდნენ და სამომავლო თანამშრომლობის გზებიც დასახეს.

პროექტის - „ერთად ევროპული მომავლისკენ“ - მიზანია, დედოფლისწყაროში არადომინანტი ჯგუფების წარმომადგენელი ბავშვების, ახალ-

გაზრდების სოციალური ინკლუზიის მხარდაჭერა და ტოლერანტობის კომპეტენციის განვითარებით



თემში მოხალისეების პრაქტიკის გაძლიერება.

ყურნალისტთა კლუბი „ახალი თაობა“, სკოლის დირექცია და თვითმმართველობა, ასევე უცხო ენის (ინგლისური) კლუბის ბავშვები აქტიურად იქნებიან ჩართულები აღნიშნული პროექტის განხორციელებაში ყველა ეტაპზე.

პროექტს „სამოქალაქო საზოგადოების ინიციატივა“ ახორციელებს კონსორციუმი კონრად ადენაუერის ფონდის (KAS) ხელმძღვანელობით შემდეგ არასამთავრობო ორგანიზაციებთან ერთად - საქართველოს სტრატეგიული კვლევებისა და განვითარების ცენტრი (CSRDC), სამოქალაქო საზოგადოების ინსტიტუტი (CSI), კონსულტაციის და ტრენინგის ცენტრი (CTC), განათლების განვითარების და დასაქმების ცენტრი (EDEC) და ევროპული პოლიტიკის ინსტიტუტი (IEP).

დღეს კირქელი აპრილია...

დღეს პირველი აპრილია, შესაბამისად, მოტყუებაც ადვილია. როგორც მარკ ტვენი ამბობდა, „დღეს ის დღეა, როცა ყველას გვახსენდება - როგორები ვართ სინამდვილეში, დანარჩენი 364 დღის მანძილზე“.

პირველ აპრილს ახლობლების, მეგობრების, ან მთელი სამყაროს მოტყუების ტრადიცია ბევრ ქვეყანაშია გავრცელებული. მისი წარმოშობის ადგილი და დრო კი ხშირი კამათის მიუხედავად, ზუსტად მაინც არავინ იცის. ზოგადად, „სულელების დღე“, ბევრ ისტორიულ წყაროშია მოხსენიებული. სავარაუდოდ, თანამედროვე პირველ აპრილს საფუძვლად ძველი ტრადიციული ფესტივალები დაედო, რომელიც ძველებურ ახალ წელს, გაზაფხულის ბუნიობისას იმართებოდა. მიუხედავად იმისა, რომ პირველი აპრილი დიდ ბრიტანეთში უძველესი დროიდან დღესასწაულად აღინიშნება, მე-18 საუკუნემდე ამ დღეს ოინების მოწყობის ტრადიცია არ არსებობდა. მოტლანდიაში კი იგივე დროს, მსგავს ტრადიციას გუგულზე ნადირობას უწოდებდნენ, მახეში გაბმულებს კი - აპრილის გუგულებს.

სულელების დღის ერთ-ერთი ყველაზე ადრეული ნიშნები ჯეფრი ჩოსერის მოთხრობა „მონაზვნის მღვდლის ამბავშია“ ნაპოვნი, სადაც ნახსენებია ორი გაბითურებული, რომლებიც „მარტის დადგომიდან ოცდაათი და კიდევ ორი დღის შემდეგ“ გააბეს მახეში.

ევროპაში პირველი აპრილის ტრადიცია, სავარაუდოდ, საფრანგეთიდან გავრცელდა. 1508 და 1539 წლების სხვადასხვა ფრანგული და დანიური წყაროები ადასტურებენ, რომ სულელების დღეს გამაყრების ტრადიცია სწორედ პირველ აპრილს იყო დაკვიდრებული. საფრანგეთი ერთ-ერთი პირველი გახლდათ, ვინც ახალი წლის პირველ იანვარს აღნიშვნა ოფიციალურად დააკანონა. ჩარლზ IX-მ ეს ბრძანება ჯერ კიდევ 1564 წელს გასცა, გრიგორიანულ კალენდარზე გადასვლამდე რამდენიმე წლით ადრე. ასე, რომ ახალი წელიწადის დადგომის

აღნიშვნა და საჩუქრების მომზადება უკვე პირველი იანვრის წესად გადაიქცა, რაც მანამდე აპრილის დასაწყისთან ასოცირდებოდა. თუმცა, არსებობდნენ ისეთებიც, ვისაც არ მოსწონდათ ცვლილება და არ ეგუებოდნენ ახალი წლის თარიღის გადატანას. ამიტომ, დანარჩენი მოსახლეობა ამ ადამიანებს პირველ აპრილს „ყალბ“ საჩუქრებსა და სხვა გამაყრებელ ნივთებს უგზავნიდა.

საფრანგეთში, თავის მხრივ, გამაყრებულ ადამიანს poisson d'avril-ს უწოდებდნენ, რაც „აპრილის თევზს“ ნიშნავს. ეს სახელი ალბათ იმით აიხსნება, რომ მზე, თევზის ზოდატყის ნიშნის ეტლს, სწორედ აპრილის დასაწყისში ტოვებს. ტრადიციულად, ფრანგები ამ დღეს ნაცნობ-მეგობრებს მკვდარ თევზებს უდებდნენ სკამზე; დღეს კი ნამდვილი თევზი ქალაქისგან გამოჭრილმა თევზის ფორმებმა შეცვალა, რომლებსაც ბავშვები მეგობრებს ჩუმად ზურგზე აკრავენ ხოლმე.

ხშირია შემთხვევები, როდესაც პირველ აპრილს მომხდარ რეალურ სიახლეებს ხალხი არ იჯერებს. არცაა გასაკვირი - ამ დღეს მასმედიას ნაკლებად დაეჯერება. თუმცა, უბედურებამ პირველი აპრილი არ იცის - ამ დღეს ბევრი ტრაგიკული შემთხვევა მომხდარა. 1946 წლის 1 აპრილს ჰავაის კუნძულზე მომხდარმა მიწისძვრამ და ცუნამმა 165 ადამიანის სიცოცხლე შეინირა. მათი უმრავლესობა კი მხოლოდ იმიტომ დაიღუპა, რომ რადიოგამოშვებებში მოსმენილი გაფრთხილებები საპირველპილოდ ხუმრობა ეგონათ და არ დაემორჩილნენ.

2005 წელს კომიკოს მიტჩ ჰედლერის გარდაცვალება ასევე ხუმრობად ჩათვალეს.

თუმცა, გარდა ტრაგიკული სიახლეებისა, ამ დღეს სხვა ცნობებიც ვრცელდებოდა, რომლებიც ასევე არავის სჯეროდა. მაგალითად, 2004 წელს ჩაშვებული Gmail-ის სერვისი თავიდან ყველას ხუმრობა ეგონა, თუმცა სიმართლე აღ-



მოჩნდა. ასევე არ დაიჯერეს 2003 წელს გამოცხადებული ორი დიდი კომპანიის - Square-ისა და Enix-ის გაერთიანებაც.

მართლმადიდებლური ეკლესია კი პირველ აპრილს და ტყუილის დღეს, ღმერთის უარყოფის და გმობის დღეს უწოდებს. „როგორც მოგვხსენებთ, გაზაფხული და, განსაკუთრებით აპრილის თვე, ქრისტეს ბრწყინვალე აღდგომის დღესასწაულის დროა. საუკუნეების განმავლობაში ქრისტიანთა ეს უნათლესი დღესასწაულთა დღესასწაული, რომელიც გარდამავალია, ანუ მოძრავია, უმეტესწილად სწორედ აპრილის თვეზე მოდიოდა. არსებობს საფუძვლიანი მოსაზრება, რომ უფალი ჩვენი იესო ქრისტე სწორედ პირველ აპრილს აღგა მკვდრეთით. ისიც ყველამ კარგად ვიცით, თურა საზიზღარი ტყუილი მოიგონეს მაშინ უფლის ჯვარმცემელმა და უარყოფელმა ფარისევლებმა - იესო ნაზარეტელის სხეული ღამით ფარულად მოიპარეს მისმა მონაწევრებმა და ახლა გაიძიხან

მკვდრეთით აღგაო! - აი, სწორედ ამ ყოველმკვდრეულურმა სიცრუემ დაუდო დასაბამი საპირველპილო ტყუილებს, რადგან ვინც ეს ჩვეულება მოიგონა და დაამკვიდრა, მისთვის ქრისტეს აღდგომა ცხელია, ღმერთის ამქვეყნად ხორციელი შობაც და მისი ყოველმხსნელი საზოგადო მსახურებაც! ამიტომ ქრისტეს მონიხადმდეგენი აღდგომის წმიდა თვესაც - აპრილსაც, მისი პირველივე დღის საგანგებო გამახსნარებებითა და აბუჩად ადგებით შეურაცხყოფენ და დააკინებენ ტყუილის - ღმერთისთვის ამ უსადაგლესი მოვლენის გავრცელებით!“ - ნერდა „ქართული გაზეთი“ 1997 წელს.

დღეს პირველი აპრილია...

ამ დღეს მოტყუება დაშვებულია და ადვილია. რა, ვითომ როცა დაშვებული არაა, არ ვიტყუებით?! ვიტყუებით, თან ბევრს.

მომზადდა

სათუნა ბენაშვილი

ანიმაცია, ასევე მულტიპლიკაცია სტატიკური გამოსახულებების დროში მონაცვლეობით შექმნილი მოძრაობის ოპტიკური ილუზია, იგი ზღაპრის თანამედროვე, შეუზღუდავი ვერსიაა.

ბავშვები სახე-ხატებს აქცევენ ყურადღებას შინაარსის ნაცვლად, „თვალი სჭამსო“ და ის შეიძლება ბავშვის საგანმანათლებლო ფუნქციად ჩაითვალოს. თუ დავაკვირდებით, ზრდასრულ ადამიანებსაც არანაკლებ გთყვარს ანიმაციური ფილმების ნახვა და ეს, ალბათ, იმიტომ რომ, ადამიანის ფსიქიკას ეს პროდუქტი ძალიან ესაჭიროება. ჩვენი ცნობიერის 70% არაცნობიერისგან შედგება, ხოლო ჩვენი არაცნობიერის სურვილების დაკმაყოფილება ანიმაცია, სადაც ჩვენი პროექციის საშუალებით განკითხვა-განსჯაც ადვილია პერსონაჟებისა, ხოლო საკუთარი თავის განკითხვა რთულია.

გრაფიკული ანიმაციის ფუძემდებლად ითვლება ფრანგი მხატვარი - კარიკატურისტი ემილ კოლი. 1908 წლის 17 აგვისტოს პარიზში პირველად აჩვენეს მისი ნახატი ფილმი „ფანტასმაგორია“, რომელშიც კოლმა ანიმაციური გადაღების გამოყენებით „გააცოცხლა“ (აა-მოძრავა) თავისი მოთხრობების ნახატი პერსონაჟები.

ანიმაციური ფილმი ძალიან მალე შემოიჭრა ჩვენს ცხოვრებაში და დიდი ადგილი დაიკავა. ალბათ, ბევრ ჩვენთაგანს

ბავშვები და ანიმაცია

ბევრი საყვარელი ანიმაციური პერსონაჟიც ჰყავს.

ქართული ანიმაცია განვითარების სხვადასხვა ეტაპზე მაყურებლებს დამახასიათებელ სიუჟეტებს სთავაზობდა, რომელთა გარკვეული ნაწილი ეროვნული მოტივების გავლენით, ლიტერატურული ნაწარმოებების, მოარული ლეგენდების, ფოლკლორისა თუ ქორეოგრაფიული ელემენტების გამოყენებითაა შექმნილი. ძველი ქართული ანიმაციური ფილმების შთამბეჭდავი და მრავალფეროვანი ბუნება სხვადასხვა ასაკის მაყურებლის დაინტერესებას დღესაც ინვეს და რაც დროს გადის, მნახველების ნოსტალგიურ მოგონებებსაც უფრო და უფრო აღვივებს. „სოფლის მაშენებლები“, „სიზმარა“, „ლომი და კატა“, „ბატი ტასიკო“ - იმ ანიმაციური ფილმების არასრული ჩამონათვალია, რომლებმაც სხვადასხვა თაობის თავისუფალი დრო მასობრივო სანახაობებით შეავსო. ქართულ ანიმაციას მე-20 საუკუნის 30 წლებში დაედო საფუძველი და მისი ფუძემდებელი გახლდათ მხატვარი და რეჟისორი ლადო მუჯირი. მან პირველად 1935 წელს ქართული მხატვრული მულტიპლიკაციური ფილმი „არგონავტები“ გადაიღო. ქართული მულტიფილმების სიუჟეტებად იყენებდნენ ქართულ ზღაპრებს, ქართველი და უცხოელი მწერლების მოთხრობებს, საგანგებოდ ქმნიდნენ ახალ ნაწარმოებებს. ასე ცოცხლდებოდნენ ბავშვების საყვარელი ზღაპრებისა თუ მოთხრობების გმირები და უფრო მეტად საყვარელნი ხდებოდნენ თავად მულტიფილმები. ისინი ბავშვებს მეგო-

ბრობას, სიკეთეს, სიყვარულს, თავდადებას ასწავლიან, უხვევენ გემოვნებას, აჩვენებენ კარგს და ცუდს გარჩევას. ყველაზე ცნობილი ქართული მულტიპლიკაციური ფილმები 60-იან წლებში შეიქმნა. „ჩხიკვათა ქორნილი“, „წუნა და წრუნუნა“, „ნახევარნილია“ და მრავალი სხვა, რომელსაც, ყველა თაობის წარმომადგენელი დღესაც დიდი სითბოთი იხსენებს.

ყველა თაობისათვის, დღემდე საყვარელია უოლტ დისნეის ანიმაციური ფილმები: „ფიფთია და შვიდი ჯუჯა“, „პინოქიო“, „ბემბი“ და სხვა. არსებობს „ნეიტრალური“ მულტიფილმებიც, რომლებიც არ აზიანებს ბავშვის ფსიქოლოგიას, თუმცა არც რაიმე სასიკეთო მოაქვს. „მულტიფილმი, რომელიც, ბავშვს არაფერს არ ასწავლის, სრულიად გამოუსადეგარია“.

ბოლო დროს კი აშკარად შესამჩნევი გახდა „ნეგატიური“ მულტიფილმების მომრავლება, რომელიც ანგრევს ბავშვის ფსიქიკას და ძალადობისაკენ უბიძგებს. მულტიფილმში ჩადებული უნდა იყოს სიბრძნე, ღირებულებები და არა აგრესია, ძალადობა და შურისძიება. ზღაპრის საშუალებით ბავშვის ქცევის კორექტირება შესაძლებელია. მას შემდეგ, რაც ბავშვი ზღაპარს ნახავს, მშობელთან თუ პედაგოგთან ერთად, მისი გარჩევა უნდა მოხდეს: როგორ იქცეოდა ესა თუ ის გმირი, რა მოეწონა ან არ მოეწონა საგანგებო? თუ ბავშვი ნეგატიურ მულტიფილმს ნახავს, შესაძლოა გავანეიტრალლო იგი და განვიხილოთ - რა არ იყო მასში კარგი?

„ნეგატიური“ მულტიფილმი, რა თქმა უნდა, ჯობია არ ვაჩვენოთ ბავშვს. მულტიფილმები, რადგან ვიზუალურ ნინა პლანზე ნამოწეული, განსაკუთრებულ გავლენას ახდენს მოზარდობის პერიოდამდე, სანამ ბავშვი აბსტრაქტულ აზროვნებაზე გადავა. ბავშვისთვის პრიორიტეტი ნანახს და კონკრეტულებს აქვს. ამიტომ აუცილებელია, ბავშვს ასაკის მიხედვით შევუაროთ მულტიფილმი, ან შემდეგ, მასთან ერთად გავარჩიოთ.

მაგ: „სპაიდერმენი“, რომელიც დახტის და დახობავს შენობებზე, უნდა ავუხსნათ, რომ ამას სიკეთისთვის აკეთებს. მშობელი უნდა დაეხმაროს ბავშვს დასკვნების გამოტანაში.

მთავარი მულტიფილმის ნახვა არ არის, მთავარი მისი გარჩევა და იმ დილემის გადაჭრაა, რომელიც მასში არის. კარგ მულტიფილმს ბევრი სიკეთის მოტანა შეუძლია ბავშვისთვის: ასწავლის ზრდილობას, დამჯერობას, მოხუცების პატივისცემას, უმცროსებზე ზრუნვას, გასაჭირში მყოფის დახმარებას, სიმამაცეს, მეგობრობას, გუნდურ თამაშს შურისა და ბრალის გარეშე.

კარგმა ანიმაციურმა ფილმმა ბავშვს შესაძლოა საპორტის ამა თუ იმ სახეობის მიმართაც გაუჩინოს ინტერესი, ასწავლოს, რომ თუ პირველ ცდაზე არ გამოუვიდა, არ დანებდეს და მანამდე სცადოს, სანამ მიზანს არ მიაღწევს.

სწორად შერჩეული ანიმაცია ბავშვს ასწავლის, რატომ არ შეიძლება დიდი სიმალლიდან გამომხტომა, ქუჩაზე გადასვლის წესების დარღვევა, რითია საშიში ცეცხლსა და ელექტრობასთან თამაში... გარდა ამისა, საყვარელი გმირის თავგადასავლებიდან მან შესაძლოა ისწავლოს ჭრილობის მოვლა და გადახვევა, ველურ ბუნებაში მოქცევა, კომპასის გამოყენება და დამზადებაც კი, ტივის შეკვრა, კარვის დადგმა და ბევრი სხვა რამ, რაც ცხოვრებაში გამოადგება.

ასე რომ, შევარჩიოთ მულტიფილმი იმის მიხედვით, რომელი უნარების განვითარება გვსურს ჩვენი ბავშვისთვის - დავინახავთ, რა ნაყოფიერი იქნება მისი წყალობით ეკრანთან გატარებული დრო.

ვინაიდან ანიმაციური ფილმის გმირს ილუსტრატორი და სცენარისტი საზოგადოდ ადამიანისთვის დამახასიათებელ უარყოფით თვისებებს აშორებენ, საბოლოოდ ბავშვი ეცნობა პერსონაჟს, რომელიც, პატარ-პატარა ნაკლოვანებებისა და შეცდომების მიუხედავად, ყოველთვის სიკეთეს ირჩევს და იმარჯვებს, ეს კი ბავშვის ზნეობრივ განვითარებას, თავისთავად, სწორ მიმართულებას მისცემს.

მომზადდა

ელზა ხარაშვილი



აგებები წინა საუკუნიდან

1946 — ზემო ქედში კოლმეურნეობამ ბაგა ბალი გახსნა, სადაც 140 ბაგაშვია. მათი მშობლები კი გაუცდენლად მუშაობენ მინდვრად. ამან ხელი შეუწყო თოხნის დაჩქარებას. შერჩეულია კარგი მომვლელი, გამოყოფილია საუკეთესო ოთახები. ბაგაშვია კარგად არის დაფინანსებული. დაცულია სანიტარული ნორმები

1950 — ზემო ქედის ფოსტის მორიგე ქალი მართა გვრიტიშვილი უსულგულოდ ეკიდება თავის მოვალეობას. იშვიათი სტუმარია თავისი სამუშაო ოთახისა და მეტ დროს სხვა საქმეებს ანდომებს. ამიტომაცაა, ქედების ზონაში სატელეფონო კავშირი გაძნელებული. თუ გიპასუხობს ქალბატონმა მართამ თავაზიანად და არა კმეხით, ესეიგი სიკეთე თქვენსკენაა მომართული. ხოლო თუ ვისმეს პირად საქმეებზე ესაუბრება, რამდენიც გინდა რეკოთ, არ გიპასუხებთ. კარგი იქნება თუ კავშირგაბმულობის რაიგანყოფილება ასევე „თავაზიანად“ გაისტუმრებს ქ-ნ მართას და მის მაგიერ საქმისადმი ერთგულ აღამიანს აიყვანს.

1950 — ხშირად ირღვევა წითელწყარო-ქედებისა და ქედების-შირაქის სატელეფონო ხაზები. ყოველ წუთს საჭიროა ტელეფონი, მაგრამ ფოსტის გამგეს ამხანაგ პოპიაშვილს არცთუ ძალიან აწუხებს. ასეთ ხაზებს „შესაფერისი“ თანამშრომლები ჰყავს. „ტელეფონისტების“ კარგი მუშაობით რედაქცია „აღფრთოვანებული“ იყო და მათი პორტრეტებიც კი დახატა თავის ფურცლებზე. ამასწინათ სასწრაფო დაკავშირება სჭირდებოდა ერთ ამხანაგს და იძულებული გახდა რაიონში ქვეითად წასულიყო.

1951 — ქვემო ქედის ჩხუბიანიშვილის სახელობის კოლმეურნეობას აქვს საკუთარი ორგანო - კედლის გაზეთი, გასულ წლებში სამაგალითოდ მუშაობდა, მაგრამ წელს ჩამორჩა. კომკავშირი მოწინავე ახალგაზრდებისგან შედგება, წევრები აქტიურად მონაწილეობენ წარმოების საქმეში და ზაფხულში მოსავლის აღებაში. მათი კედლის გაზეთი რატომღაც სდუმს. ოთხ თვეზე მეტია, გაზეთი არ გამოშვდა და გამოუმუშავებელი რჩება მათი გამოცდილებანი და სხვა. თუმცა, სოფელში საშუალო სკოლის დაარსებასთან დაკავშირებით, ქვემო ქედის ჩხუბიანიშვილის სახელობის კოლმეურნეობამ, საკლასო ოთახებისთვის სკოლას დაუთმო სამი ოთახი, რომლის რემონტსაც ამ დღეებში დაამთავრებენ და სექტემბრისთვის მოამზადებენ.

1959 — ქედების ზონაში მრავალჯერ აღმოაჩინეს ისტორიული მნიშვნელობის ნივთები, რომლებიც, მეცნიერთა აზრით, მიეკუთვნება ძველი წელთაღრიცხვის V-III საუკუნეებს. აღმოჩენებმა გაამდიდრა საქართველოს სახელმწიფო მუზეუმი. მუზეუმმა ის მოსწავლეები დააჯილდოვა, რომელთაც სოფელში ეს ნივთები შემთხვევით იპოვეს. ამას გარდა, სექტემბერში, მდინარე ალაზნის კილომეტრის დაშორებით, ნაქალაქარის მახლობლად აღმოაჩინეს სპილოს, სამშლია ცხენის, ირმისა და მარტორქის ძვლები, რომელიც პალეოლითურ ხანას, ანუ მილიონი წლის წინა პერიოდს მიეკუთვნება. ასეთი აღმოჩენები იშვიათია საქართველოში.

1959 — საჭიროა მოსწავლეთა კოლექტიური სვლა კინოში. კლასის ხელმძღვანელმა სააღმზრდელი გეგმებში შეტანილი აქვთ მოსწავლეთა კინოში სვლა, მაგრამ ხშირად შეუსრულებელი რჩება. მიზეზი ისაა, რომ საკოლმეურნეო კლუბის მშენებლობა ქვემო ქედში არ დამთავრებულა. კარგი იქნება, თუ კულტურის განყოფილება მანამდის მოძრავი კინოთი დაგვეხმარება და ჩვენება სკოლის შენობაში მოხდება.

1961 — ქვემო ქედის კოლმეურნეობამ სასოფლო საბჭოს აღმასკომს გამოუყო ოთახები და აღმასკომის შენობა გადასცა სოფლის ათსწოლიან საავადმყოფოს, რომელიც ამ წელში უნდა გაიხსნას.

1975 — გასული წლის 11 დეკემბერს ხანძარი გაჩნდა ქვემო ქედში, ბარამაშვილის ბინაში. გამოიძახეს სახანძრო. ძალიან კარგია, რომ ქვემო ქედის წითელწყაროში შეტყობინების დროულად მიწვდა ტელეფონის ხაზით მოხერხდა. მაგრამ საკითხავია, რატომ არხილოსკალოს სახანძრო რაზმთან ვერ შეძლეს დაკავშირება? ისინი ხომ ბევრად ადრე მივიდოდნენ? ხომ აღარ განადგურდებოდა მთლიანად შენობა და ქონება? იგივე მოხდა წელს, 14 იანვარს, კვლავ ქვემო ქედში, ცეცხლი მეგრელაშვილის ბინას წაეკიდა. შეტყობინება კვლავ წითელწყაროში შევიდა და ის კი ვერაფერს მოიფიქრა, იქვე გვერდით სოფელში, არხილოსკალოს სახანძრო ნაწილში დაერკათა. სახლოვის გამო არხილოსკალოს რაზმი ბევრად ოპერატიული იმოქმედებდა. ასე კი ეს ორი ოჯახი გაიწარდა. ოჯახის დაუდევრობის გარდა ეს არის კავშირგაბმულობის კვანძის მუშაობის ბრალი, რომლებიც ქვემო ქედში მსახურობენ. მთელმა ქედების ზონამ უნდა იცოდეს, რომ არხილოსკალოში არსებობს სახანძრო რაზმი, ჯერ მათ უნდა მიმართონ და თუ დამატებითი ძალებია საჭირო, წითელწყაროში შეძვედენ და რეკონ, — წერს რედაქციას წითელწყაროს სახანძრო ნაწილის უფროსი ვ. ბეჭაური.

1975 — ზემო ქედში, არხილოსკალოში და ქვემო ქედში ცხოვრობენ მკლავმოუღლეი, შრომისმოყვარე, კეთილი და სპეტაკი აღამიანები. არაერთი გამოჩენილი მოიპოვეს შრომის სხვადასხვა უბანზე. ეს ხალხი დილის საათებში თბილისში მგზავრობას მოკლებულნი იყვნენ, მაგრამ მოთხოვნა ხელმძღვანელობამ ყურადღო და გამოყო ავტობუსი, რომელიც საღამოს მატარებელს სადგურში ხვდებოდა, ხალხი ქედში მიჰყავდა, დილით კი მგზავრები მატარებელზე ამოჰყავდა. მოსახლეობა კმაყოფილი იყო, გაითიხრდათ გადაადგილება. იქო სამუშაო დღეების გაცდენამაც, მაგრამ სიხარული დიდხანს არ გაგრძელდებოდა. ახლა ავტობუსის მხოლოდ საღამოს მოდის. მგზავრები ქედში ჩაჰყავს და მაშინვე უკან ბრუნდება. დილით კი მგზავრები ავტობუსს ამაოდ ელოდებიან. იმედია შემდგომში ქედებში მცხოვრები 15 000 აღამიანის სასარგებლოდ გადაწყვიტენ საკითხს.

გაზეთი „სხალნი შირაპი“ (სტილი დაცულია) მოამზადა ილია მარტყოფლიშვილმა

ფრენბურთელები ფინალში არიან



დედოფლისწყაროს ფრენბურთის გუნდი **Eastside** ფლეი ოფის ფინალში მოხვდა. 10 აპრილს დედოფლისწყაროელ ფრენბურთელებს მნიშვნელოვანი შეხვედრა ელით.

ნიკოლოზ ჯინაშვილი (გუნდის წევრი): „წინა ჯგუფური ეტაპი მეოთხე ადგილით დავამთავრეთ და ფლეი ოფის საგზური მოვიპოვეთ და 27 მარტს ჩვენმა გუნდმა ნახევარფინალურ შეხვედრაში პირველი ლიგის საუკეთესო გუნდი დამაჯერებელი ანგარიშით 3-0 დავამარცხეთ და მოვიპოვეთ ფინალის საგზური. ფინალი 10 აპრილს თბილისის სპორტის სასახლეში გაიმართება. მიღწეულ შედეგს ჩვენს მონდომებას და შრომას ვუკავშირებთ. რა თქმა უნდა ჩვენი ძალეობით მივალნიეთ ფინალამდე. ძალიან რთული და დაძაბული თამაშების მიუხედავად გადავლახეთ ყველა ეტაპი. ჩვენ ჩვენი მქსიმუმი დავდეთ ეს იყო და ეს, იგივეს ვაპირებთ ფინალშიც. დიდი შემართებით ვემზადებით, ფინალის მოსაგებად და უმაღლეს ლიგაში გადასასვლელად ძალდონეს არ დავიშურებთ. კარგი იქნება, თუ სპორტის სასახლეში საგულშემატკივროდ დედოფლისწყაროელები ფინალში გაგვამხნეებენ და გვიქომბებენ. დავუპირისპირდებით თბილისის გუნდს „თორი“. ფინალში გასვლა ჩვენთვის ძალიან ბევრს ნიშნავს, რადგან ეს იმის მტკიცებულებაა, რომ ჩვენი შრომა შედეგანია. ფინალის მოგება საშუალებას მოგვცემს გადავიდეთ უმაღლეს ლიგაში. ფინალის მოგების შემდეგ ჩვენ მოგვინებს თამაში უმაღლესი ლიგის ბოლო ადგილოსან გუნდთან და შემდეგ გადაწყდება ვისაპირებთ თუ არა უმაღლეს ლიგაში. უმაღლესი ლიგის ბოლო ადგილოსანს თუ მოუვებთ, ის გუნდი გამოეთიშება და ჩვენ ვითამაშებთ მათ ნაცვლად დანარჩენ საუკეთესო 8 გუნდთან ერთად. ჩვენ ყველაფერს ვაკავებთ, რომ არ დავაღალატოთ ერთმანეთი და გულშემატკივრები“. (ცნობისთვის, დედოფლისწყაროს გუნდი უკვე მეორე სეზონია რაც შეიქმნა და ასპარეზობს პირველ ლიგაზე. წინა სეზონში ისინი ფინალში დამარცხდნენ და მეორე ადგილით დაასრულეს ჩემპიონატი.

შენკვედრები თავდაცვის აკადემიის სტუდენტებთან და მესაზღვრესთან



ქ. დედოფლისწყაროს №2 სკოლას ეროვნული თავდაცვის აკადემიის მეორე კურსის სტუდენტები სტუმრობდნენ, რომელთაც მოსწავლეებს გააცნეს სსიპ - დავით აღმაშენებლის სახელობის საქართველოს ეროვნული თავდაცვის აკადემიის მისია, რომლის შესაბამისად, თავდაცვის ძალების და ქვეყნის ერთგული სამსახურისათვის უმაღლესი აკადემიური და სამხედრო განათლების, ეთიკური, მტკიცე მორალის და ლიდერის თვისებების მქონე ოფიცერთა კორპუსი იქნება მომზადებული.

„საამაყო ჩვენივენი რომ ჩვენი სკოლის კურსდამთავრებული **გიგი არაბული**, თავის კურსელებთან ერთად წარსდგა სკოლის მოსწავლეების წინაშე და უამრავი რჩევა-დარიგება მისცა მათ. შეხვედრამ კითხვა-პასუხის რეჟიმში ჩაიარა და მოზარდები საკმაოდ აქტიურობდნენ,“ - აცხადებენ სკოლაში.

გარდა ამისა, მესაზღვრის დღესთან დაკავშირებით სკოლაში ამავე სკოლის კურსდამთავრებული, სასაზღვრო პოლიციის N4 სამმართველოს (დედოფლისწყარო) საზღვრის დაცვის განყოფილების უფროსი სასაზღვრო პოლიციის პოლკოვნიკი **არსენა ბიბაური** მიიწვიეს. სკოლის მოსწავლეებთან საინტერესო საუბარი შედგა. გიგაურმა ისაუბრა მის პროფესიაზე, სირთულეებზე, ქვეყნის სიყვარულზე, პასუხისმგებლობაზე, გამოწვევებზე, ბიომრავალფეროვნებასა და დედოფლისწყაროს ისტორიულ წარსულზე.

„არსენას მშობლის რანგშიც მოუწია ყოფნა, რადგან შეილებიგანაც მოისმინა, თუ რაოდენ სამაყოა, რომ იციან, მათი მამა საზღვარზეა და მოვალეობას პირნათლად ასრულებს,“ - აღნიშნავენ ქალაქის მეორე საჯარო სკოლაში.



მონაზვნად აღკვეცა ეპარქიაში

მონაზვნად აღკვეცა შესრულდა ქალაქ დედოფლისწყაროს ღვთისმშობლის მიძინების სახელობის ტაძარში - 28 მარტს ახალციხისა და ტაო-კლარჯეთის მიტროპოლიტმა, ხორნაბუჯისა და ჰერეთის ეპარქიის დროებითმა მმართველმა თეოდორემ (ჭუაძე) მონაზვნად აღკვეცა, წმინდა მიქელ ყულოშვილის სახელობის დედათა მონასტრის მორჩილი მარინა (ინაშვილი) და ენოდ მონაზონი შუშანიკი. ის დედოფლისწყაროს სოფელ ხორნაბუჯში, ეპარქიის რეზიდენციის ეზოში მშენებარე ტაძარში გააგრძელებს მოღვაწეობას.

„ვეულოცავთ დედა შუშანიკს და ვუსურვებს სულიერ სიძლიერეს ამ მეტად საპასუხისმგებლო და რთულ გზაზე,“ - აღნიშნავენ ეპარქიაში.

განმორება

გაზეთ „შირაქის“ 23-30 მარტის ნომერში 5-ე გვერდზე გამოქვეყნებულ ინტერვიუში „გაცვლითი პროგრამის კიდევ ერთი მონაწილე“ გაიპარა შეცდომა - რესპოდენტის მარია მამხრიშვილის ნაცვლად სენიაშვილია მითითებული.

ასევე, 16-23 მარტის №7 ნომერში, მეორე გვერდზე დაიბეჭდა სტატია „სად აღმოაჩინეს ჯვარი და ზარი?“ ბოლოს წინა აბზაცში 1953 წლის ნაცვლად უნდა იკითხებოდეს 1853 წელი. რედაქცია ბოდიშს იხდის უზუსტობისთვის.

„ნეოლაბი“ — გიწვევთ!

კლინიკა „ნეოლაბის“ დედოფლისწყაროს ფილიალი უპიკლინო ბიაროტ კონსულტაციები თბილისიდან მოწვეულ სპეციალისტებთან.

კარდიოლოგის, ინფექციონისტი, ექოსკოპისტი, გინეკოლოგის და გასტროენტეროლოგის ვიზიტები კლინიკა „ნეოლაბში“ ყოველთვიურად ხორციელდება.

12 აპრილი - გიორგი კამკამიძე, ალერგოლოგი

12 აპრილი - მაია ბუნაშვილი, ინფექციონისტი

20 აპრილი - ბადრი ზამბახიძე, კარდიოლოგი

27 აპრილი - ექოსკოპისტი, გასტროენტეროლოგი


კონსულტაცია ფასიანია

ჩანერისთვის უნდა დაგვიკავშირდეთ კლინიკის ნომერზე:

0 (356) 20 00 85 ან 596 39 20 00.

კლინიკა „ნეოლაბის“ დედოფლისწყაროს ფილიალი მდებარეობს

ქ. დედოფლისწყაროში, რუსთაველის ქ. №57.



აქცია ალერგოლოგიურ სერვისებაზე



თამარ მგალაძე
ალერგოლოგი



სოფო ბულაშვილი
ექიმი - ინფექციონისტი



მაია ბუნაშვილი
ინფექციონისტი



ბადრი ზამბახიძე
კარდიოლოგი

32 წლის შემდეგ მშობლიურ მიწაზე

პირველი გვერდიდან/

გაუჩინარების დღიდან აქტიურად ვეძებ, არ დამიტოვებია სამხედრო ნაწილი, სამინისტროები თუ სახელმწიფო დაწესებულებები, მაგრამ მის კვალს ვერ მივაკვლიე. არც კომისარიატს ვპოვნია ინფორმაცია მისი დაღუპვის შესახებ. შევხვდი გოჩას ბატალიონის მეთაურს რობერტ აკოფოვს, ბატალიონის შტაბის უფროსს თენგიზ შუბლაძეს, სხვა თანამებრძოლებს. ისინი მიდასტურებდნენ, რომ ჩემი ძმა მათთან იბრძოდა. როგორც მათ მიამბეს, გაგრა რომ დაეცა, ქართველი მებრძოლები დაიქსაქსნენ. ყველა თავის შევლასა და გადარჩენას დამოუკიდებლად ცდილობდა და ვინ სად გარბოდა, არ ვიცოდით. ამიტომ ხელჩასაჭიდს ვერავინ ვერაფერს იხსენებს, როგორ გაუჩინარდა გოჩა.

ვერ წარმოიდგენთ, რა ძალისხმევით ფასად შევძელი ბატალიონის ხელმძღვანელებთან შეხვედრების ორგანიზება და მოვახერხე ამელო დოკუმენტი „საბრძოლო მოკვლევა“. ამ ბარათზე კონკრეტულად წერია, რომ საქართველოს თავდაცვის მინისტრის 1992 წლის 29 აგვისტოს ბრძანებით გოჩა პაპაჩაშვილი გაგრის 101-ე ბატალიონის რიგებში ჩარიცხა და იბრძოდა გაგრის მისადგომებთან. 1992 წლის 2 ოქტომბერს კი ერთ-ერთი საბრძოლო ოპერაციის დროს დაიღუპა გაგრამში და დასაფლავებული იყო იქვე. მიგვაჩინა, რომ იმ პერიოდში მისი გამბედაობა და თავგანწირვა მართლაც ღირსეული ნაბიჯი იყო. ვამაყობთ, რომ საკუთარი სურვილით გადადგა ეს გმირული ნაბიჯი“.

გიორგი ნატროშვილი (ყურნალ „ხორნაბუჯის“ რედაქტორი): „სკოლიდან ვიცნობდი გოჩას და ურთიერთობა მქონდა. ჩემზე ერთი წლით დიდი იყო, მეზობელ უბნებში ვცხოვრობდით და უბნის ბიჭები ერთად ხშირად ვთამაშობდით. მშვიდი ბავშვი იყო, მისგან კარგის მეტი არაფერი მახსოვს. სკოლის დამთავრების მერე სასწავლებლად წავედი ჯერ თბილისში და შემდეგ ქუთაისში.



პერიოდულად კი ჩავდიოდი სოფელში, მაგრამ რამოდენიმეჯერა შევხვდით ერთმანეთს. ომში როგორ წავიდა, არ მინახავს, რადგან ქუთაისში ვიყავი. მერე გავიცე, რომ აფხაზეთში წავიდა. უფაღმა სასუფეველი დაუშვიდროს!“

ნიანი ჯანაშვილი (მეზობელი): „ზემო მანხანაში კარის მეზობლები ვიყავით, ჩემს თვალწინ იბრძებოდა. წინა ღამეს ჩვენთან იყო, მტკიცედ ამბობდა, დილით ომში მივდივარ და მიმხარიაო. მეცოდებოდა, ობლად გავრდილობა ასეთი გადანყვეტილება რომ მიიღო. ბევრი ვეხვეწე - დედას და დას მარტო ნუ დატოვებ, წვალეებით გზრდიდნენ და ნუ ანერვიულებო. არ დაიშალა, ყველა ასე თუ იფიქრებს, ვინ იბრძოლოს? ოჯახს სოფელშიც მივუსამხიმრეთ, მაგრამ სამარტო ტაქსით სოფლის მაცხოვრებლები მაინც წავიდნენ თბილისში დაკრძალვამდე და პატივი მიაგეს მის ხსოვნას.“

ნაჟან რუხინიძე (პედაგოგი): „გოჩას V კლასიდან ვასწავლიდი, მათთან ერთად დავინყე მასწავლებლობა, ამიტომ მათში ჩავდე მთელი ენერგია. 1979

ყოველთვის მხარდაჭერა გამოიხატა. თანაკლასელებიც იმყოფებოდნენ პანაშვიდზე, სკოლიდანაც წავედით პედაგოგები. დიდი პატივით დაიკრძალა, ყველა მაღალი რანგის პოლიტიკოსი იყო მოსული, რიგითი მოქალაქეებიც მრავლად იყვნენ. რამხელა ამბავი და ნათელი სხივია, რომ ოკუპირებული ტერიტორიიდან მოხერხდა ნეშტის გადმოცემა. ალბათ აფხაზებიც ხვდებიან, რომ ჩვენთან ურთიერთობა აუცილებელია. იმედია, მათი განწყობები ნელ-ნელა გაუმჯობესდება. კარგია, რომ გოჩას დედა მოეხსრო მის გადმოსვენებას“.

„გოჩა პაპაჩაშვილს, რომელიც



წლიდან მათი კლასის დამრიგებელი ვიყავი და პირველი პროფესიული ნაბიჯები მათთან გადავდე. კარგი, შეკრული კლასი იყო, თანადგომა იცოდნენ, წარმატებული ადამიანები გახდნენ. გოჩა ჭკვიანი იყო, თავს არ მოგაბეზრებდა. საოცარი გულის ადამიანი იყო. შექმლო ომში არ წასულიყო, მაგრამ იქ ვარ საჭიროო-ასე გადაწყვიტა. ყოველთვის ყურადღებას ვაქცევდი სკოლაშიც და ოჯახშიც, რადგან უმამოდ იბრძებოდნენ, ვცდილობდი

კახეთიდან მარტო ჩამოვიდა, ვენახში მუშაობით დასვრილი ხელები ჰქონდა. ყველა ბრძოლაში წინ იჭრებოდა და ერთხელაც სამკვედრო-სასიცოცხლო ბრძოლაში დაგვეკარგა.“ - ვკითხულობთ აფხაზეთის ომზე ასევე მანხანაელი ყურნალისტის ლია ტოკლიკიშვილის მიერ გამოცემულ დოკუმენტურ ნიგში „ნიუტონას დღიური“.

ლია მარტყოფლიშვილი

აპრილი		დედოფლისწყარო	
ორშაბათი 01.04 ღამე	სამშაბათი 02.04 ღამე	ოთხშაბათი 03.04 ღამე	ხუთშაბათი 04.05 ღამე
15°	5°	18°	6°
პარასკევი 05.04 ღამე	შაბათი 06.04 ღამე	კვირა 07.04 ღამე	
17°	7°	16°	6°

გამომცემელი შპს „შირაპი“
დირექტორი **ინგა შიოლაშვილი**
რედაქტორი **ლია მარტყოფლიშვილი**

სარედაქციო კოლეგია: შუშუნა ყანაშვილი, ელზა ხარაშვილი (ყურნალისტები); ხათუნა ბანაშვილი (კორექტორი); ნათელა გოსტაშვილი (ბუღალტერი); ნიანი ჯანაშვილი (ოფის-მენეჯერი); მზინა ქანაძე (საქმის მწარმოებელი).

გაზეთი აიწყო და დაკაბადონდა „შირაპის“ კომპიუტერულ ბაზაზე.
ყოველკვირეული გამოცემა იბეჭდება შპს „გამომცემლობა საქმობლოს“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6014-468.
გაზეთის გამომწერა ნელინდში - 20 ლარი